

摘藻堂四庫全書薈要

經部

欽定四庫全書薈要

經部

左傳注疏卷二十六

詳校官原任侍講臣王燕緒



欽定四庫全書薈要卷一千一百四十二

經部

春秋左傳注疏卷二十六

起成公三年盡十年

晉杜氏注 唐陸德明音義 孔穎達疏

經三年春王正月公會晉侯宋公衛侯曹伯伐鄭注宋

衛未葬而稱爵以接鄰國非禮也疏

正義曰僖九年傳曰宋桓公卒未葬

而襄公會諸侯故曰子凡在喪公侯曰子傳因未葬而發在喪之例是先君未葬嗣君不得稱爵以會諸侯也知非踰年得成君者文八年八月天王崩九年春毛伯來求金傳曰不書王命未葬也彼王既踰年矣猶不得稱王命臣知諸侯雖則踰年但是未葬不得稱爵以接鄰國正以王不命臣明知其非禮也

辛亥葬衛穆公注無傳

二月公至自伐鄭注無傳

甲子新宮災三日哭注無傳三年喪畢宣公神主新入

廟故謂之新宮書三日哭善得禮宗廟親之神靈所馮

居而遇災故哀而哭之音義

馮皮水反

疏

正義曰公羊傳曰新宮者何宣公之

宮也宣宮則曷爲謂之新宮不忍言也其言三日哭何

廟災三日哭禮也穀梁傳曰新宮者禍宮也三日哭哀

也其哀禮也迫近不敢稱諡恭也二傳皆以新宮爲宣

宮三日哭爲得禮故杜依用之宣公以其十八年冬十

月薨至二年十月而大祥祥而禘祭神主始入廟故謂

之新宮禮檀弓記曰有焚其先人之室則三日哭故曰

新宮火亦三日哭鄭玄云謂人燒其宗廟新宮火人火也記稱新宮火者指此新宮災耳傳例曰天火曰災人火曰火三家經傳有火字皆爲災鄭玄以爲人火雖非其義要天大人火其哭皆當三日是其善得禮也哀三年桓宮僖宮災不言哭而此言三日哭者釋例曰新宮者宣公之廟父廟也諒閭始闋而遇天災故感而哭之以致哀異於餘廟也

乙亥葬宋文公注無傳七月而葬緩

夏公如晉

鄭公子去疾帥師伐許

公至自晉注無傳

秋叔孫僑如帥師圍棘注棘汶陽田之邑在濟北蛇丘

縣音義

蛇以支反
一音如字

大雩注無傳以過時書

晉郤克衛孫良夫伐廆咎如注赤狄別種音義

廆在良反咎古

刀反種

章勇反

冬十有一月晉侯使荀庚來聘

衛侯使孫良夫來聘

丙午及荀庚盟疏

正義曰隱元年及宋人盟于宿魯之微者及之也此言及荀庚盟及孫良

夫盟十一年及卻犇盟皆是公自及之非臣及之也知者僖二十八年傳晉欒枝入盟鄭伯襄十一年傳晉趙武入盟鄭伯鄭子展出盟晉侯臣對君者皆君自與盟知此使來亦公自與盟也上言來聘盟又不地盟於國都公親可知

丁未及孫良夫盟注先晉後衛尊霸主

故不言公

鄭伐許注無傳不書將帥告辭略音義

將子匠反疏

正義

曰直舉國名傳無其說知是告辭略故史異文耳賈逵云鄭小國與大國爭諸侯仍伐許不稱將帥夷狄之刺無知也此年夏鄭公子去疾帥師伐許明年冬鄭伯伐許先後並無貶責何獨此伐偏刺之

傳三年春諸侯伐鄭次于伯牛討邲之役也注伯牛

鄭地邲役在宣十二年遂東侵鄭注晉潛軍深入鄭

公子偃帥師禦之注偃穆公子使東鄙覆諸鄆注覆

伏兵也音義

覆扶又反注同鄆亡袁反又莫干反徐武旦反一音萬

敗諸丘輿

注鄆丘輿皆鄭地晉偏軍爲鄭所敗故不書皇成如

楚獻捷○夏公如晉拜汶陽之田注前年晉使齊歸

魯汶陽田故○許恃楚而不事鄭鄭子良伐許○晉

人歸楚公子穀臣與連尹襄老之尸于楚以求知罃

注邲之戰楚獲知罃於是荀首佐中軍矣注荀首知

罃父故楚人許之王送知罃曰子其怨我乎對曰二

國治戎臣不才不勝其任以爲俘馘執事不以釁鼓

注以血塗鼓爲釁鼓音義

勝音升下注同俘芳夫反馘古獲反釁許覲反

疏

正義曰說文釁血祭也禮雜記釁廟之禮云雍人舉羊升屋自中上屋南面剝羊血流于前乃降釁廟以

血塗廟知釁鼓以血塗鼓也

使歸即戮君之惠也臣實不才又誰

敢怨王曰然則德我乎疏

正義曰德加於彼彼荷其恩故謂荷恩爲德論語以

德報德傳稱王德狄人皆是也

對曰二國圖其社稷而求紓其民注

紓緩也音義

紓音舒

各懲其忿以相宥也注宥赦也音

義

懲直升反宥音又

兩釋釁囚以成其好注釁繫也音義

釁力

誰反好呼
報反下同

二國有好臣不與其誰敢德注言二國

本不爲己音義

與音預爲
于偏反

王曰子歸何以報我對曰

臣不任受怨君亦不任受德無怨無德不知所報王

曰雖然必告不穀對曰以君之靈累臣得歸骨於晉

寡君之以爲戮死且不朽注戮其不勝任音義

任音
壬下

亦不

疏

正義曰懷荷君恩身雖死而朽腐此恩不
任同 朽腐也死尚不朽以示其至死不忘也

若

從君之惠而免之以賜君之外臣首注稱於異國君

曰外臣首其請於寡君而以戮於宗亦死且不朽若

不獲命注君不許戮而使嗣宗職注嗣其祖宗之位
職次及於事而帥偏師以脩封疆雖遇執事注遇楚

將帥音義

疆居良反將子亮反帥所類反

其弗敢違注違辟也其竭

力致死無有二心以盡臣禮所以報也王曰晉未可
與爭重爲之禮而歸之○秋叔孫僑如圍棘取汶陽
之田棘不服故圍之注僑如叔孫得臣子○晉郤克
衛孫良夫伐廐咎如討赤狄之餘焉注宣十五年晉

滅赤狄潞氏其餘民散入廐咎如故討之疏

正義曰謂赤狄

餘民散入咎如之內今伐咎如者來就咎如之內討
彼赤狄餘黨然廐咎如容赤狄餘民則咎如亦赤狄
矣劉炫以爲廐咎如之國即是赤狄之餘今知不然
者以赤狄之國種類極多潞氏甲氏鐸辰皐落氏等
皆是其類並爲建國假令潞氏甲氏鐸辰皐落雖滅
自外猶存則是不滅者多止應言討赤狄之類不得
稱餘且伐者聲其鐘鼓討者責其罪狀以廐咎如容
受赤狄餘黨故伐而討責若以廐咎如即是赤狄之
餘應取土地興兵絕滅何當唯伐討而已
劉以廐咎如即是赤狄之餘而規杜非也

廐咎如潰

上失民也注此傳釋經之文而經無廐咎如潰蓋經

闕此四字音義

清戶反

疏

正義曰傳言上失民也釋經

解故疑經闕此四字釋例曰傳文廐咎如潰上失民也今經但言伐廐咎如無廐咎如潰之文若經本無

此文則丘明爲橫益經文而加失民之傳也是言知
經闕之意也文三年潰逃已有例矣復發傳者嫌夷狄
異於中國
故重發也
○冬十一月晉侯使荀庚來聘且尋盟注

尋元年赤棘盟荀庚林父之子衛侯使孫良夫來聘

且尋盟注尋宣七年盟公問諸臧宣叔曰中行伯之

於晉也其位在三注下卿疏

正義曰於時卻克將中
軍荀首佐之荀庚將上

軍是其位在三也注云下卿者傳稱小國之上卿當
大國之下卿又言衛在晉不得爲次國則以衛爲小
國荀庚若是中卿自然當先晉矣乃云晉爲盟主其
將先之直以盟主先晉明是二人位等以此知荀庚
是下卿也晉立三軍將佐有六第三猶爲下卿則其
餘皆下卿也蓋以諸侯之禮惟合三卿三是其正故

定以三人爲上中下餘皆從下卿也卿有上下往年
賜晉三帥皆以三命之服者侯伯之卿禮皆三命上
卿下卿命
不異也 孫子之於衛也位爲上卿將誰先對曰次

國之上卿當大國之中中當其下下當其上大夫注
降一等小國之上卿當大國之下卿中當其上大夫
下當其下大夫注降大國二等上下如是古之制也

注古制公爲大國侯伯爲次國子男爲小國衛在晉
不得爲次國注春秋時以強弱爲大小故衛雖侯爵

猶爲小國疏

正義曰古制公爲大國侯伯爲次國子男爲小國以土地之大小命數爲等差

也春秋之世強陵弱大吞小爵雖不能自改地則以力升降諸侯聚會強者爲雄史書時事大小爲序此事不可改易仲尼即用之宋公在齊侯之下許男在曹伯之上不復計爵之尊卑故衛雖侯爵猶爲小國以地狹小故也襄二十五年傳子產語晉曰今大國多數圻矣所方千里是晉有方千里者三四也昭五年十三年傳皆言晉有革車四千乘計衛比於晉不過當五六分之一耳故不得爲次國其爲次國者當齊秦乎

晉爲盟主其將先之注計等則二人位敵以盟

主故先晉丙午盟晉丁未盟衛禮也○十二月甲戌

晉作六軍注爲六軍僭王也萬二千五百人爲軍音

義

僭子
念反

韓厥趙括鞏朔韓穿荀騅趙旃皆爲卿賞鞏

之功也注韓厥爲新中軍趙括佐之鞏朔爲新上軍

韓穿佐之荀騅爲新下軍趙旃佐之晉舊自有三軍

今增此故爲六軍音義

騅音佳

疏

正義曰杜知韓厥爲新中軍及上下新軍

將佐者以下六年傳云韓厥將新中軍且爲僕大夫時晉更增置新中上下三軍韓厥將新中軍名居其

首故杜依名

○齊侯朝于晉將授玉注行朝禮疏

正義

配其將佐

曰玉謂所執之圭也凡諸侯相朝升堂授玉於兩楹之間於此時卻克過進故記之也史記齊世家曰頃公十一年晉初置六軍頃公朝晉欲尊王晉景公景公不敢當晉世家云景公十二年齊頃公如晉欲上尊景公爲王景公諫不敢然此時天子雖弱諸侯並盛晉文不敢請隧楚莊不敢問鼎又齊弱於晉所較

不多豈爲一戰而勝便即以王相許準時度勢理必不然竊原馬遷之意所以有此說者當讀此傳將授王以爲將授王遂

郤克趨進曰此行也君爲婦人之

笑辱也寡君未之敢任注言齊侯之來以謝婦人之

笑非爲脩好故云晉君不任當此惠音義

君爲于僞反下爲而

君同仁音士

晉侯享齊侯齊侯視韓厥韓厥曰君知厥也

乎齊侯曰服改矣注戎朝異服也言服改明識其人

疏

正義曰周禮司服凡兵事韋弁服禮玉藻記云諸侯皮弁以聽朔朝服以日視朝聘禮賓皮弁聘公

皮弁迎賓迎聘賓尚以皮弁迎朝賓必皮弁矣在朝君臣同服公當皮弁則韓厥於時亦皮弁也鄭玄云

韋弁以韎韁爲弁又以爲衣裳春秋傳曰晉卻至衣
韎韁之跗注是也皮弁之服十五升白布衣素積以
爲裳是或朝異服也韓厥登舉爵曰臣之不敢愛死爲兩君之

在此堂也○荀瑩之在楚也鄭賈人有將寘諸褚中
以出既謀之未行而楚人歸之賈人如晉荀瑩善視
之如實出己賈人曰吾無其功敢有其實乎吾小人
不可以厚誣君子遂適齊注傳言知瑩之賢音義

賈音

古下同寘之鼓
反褚中呂反

經四年春宋公使華元來聘

三月壬申鄭伯堅卒注無傳二年大夫盟于蜀壬申二

月二十八日

杞伯來朝

夏四月甲寅臧孫許卒注無傳

公如晉

葬鄭襄公注無傳

秋公至自晉

冬城鄆注無傳公欲叛晉故城而爲備音義

鄆音運

疏

正義

曰釋例土地名魯有二鄆文十二年城諸及鄆杜云此東鄆莒魯所爭者城陽姑幕縣南有員亭或曰鄆即員也成十六年傳晉人執季文子公待于鄆杜云此西鄆昭公所出居者東郡廩丘縣東有鄆城然則此爲公欲叛晉故城鄆以爲備當西鄆也

鄭伯伐許

傳四年春宋華元來聘通嗣君也注宋共公即位音

義

共音恭

疏

正義曰文元年公孫叔如齊傳曰始聘爲禮也凡君即位卿出並聘踐脩舊好要結

外援好事鄰國以衛社稷忠信卑謙之道也其事與此一也謂君初即位聘鄰國耳在魯而出謂之始聘自外而來謂之通嗣君言彼君嗣位以來未與魯通於此始通之也

○杞伯來朝歸叔

姬故也注將出叔姬先脩禮朝魯言其故○夏公如

晉晉侯見公不敬季文子曰晉侯必不免注言將不能壽終也後十年陷廁而死詩曰敬之敬之天惟顯

思命不易哉注詩頌言天道顯明受其命甚難不可

不敬以奉之音義

易以
豉反

夫晉侯之命在諸侯矣可不

敬乎注敬諸侯則得天命○秋公至自晉欲求成於

楚而叛晉季文子曰不可晉雖無道未可叛也國大

臣睦而過於我注逼近也諸侯聽焉未可以貳注聽

服也史佚之志有之曰注周文王大史音義

大音泰

非

我族類其心必異楚雖大非吾族也注與魯異姓其

肯字我乎公乃止注字愛也○冬十一月鄭公孫申

帥師疆許田注前年鄭伐許侵其田今正其界音義

疆居良反

許人敗諸展陂鄭伯伐許取鉏任泠敦之田注

展陂亦許地音義

陂彼皮反鉏仕居反任音士泠力丁反

○晉欒書將

中軍注代卻克音義

將子匠反

荀首佐之士燮佐上軍以

救許伐鄭取汜祭注汜祭鄭地成臯縣東有汜水音

義

音祀祭側界反

疏

正義曰杜注滎陽中牟縣有東

彼二祀而以成皋縣東有汜水者以傳爲晉伐鄭取汜祭既爲晉人所取當是鄭之西北界即今之汜水也字書水旁已爲汜水旁已爲汜字相亂也漢書音義亦爲汜今汜水上源爲汜谷

楚子反救

鄭鄭伯與許男訟焉注於子反前爭曲直皇成攝鄭

伯之辭注代之對子反不能決也曰君若辱在寡君

寡君與其二三臣共聽兩君之所欲成其可知也注

欲使自屈于楚子前決之不然側不足以知二國之

成注側子反名爲明年許愬鄭於楚張本音義

愬音素

○晉趙嬰通于趙莊姬注趙嬰趙盾弟莊姬趙朔妻

朔盾之子

經五年春王正月杞叔姬來歸注出也傳在前年疏

正義

曰杞既出之猶稱杞者雜記曰諸侯出夫人夫人比至于國以夫人之禮行至以夫人入鄭玄云行道以夫人之禮者棄妻致命其家乃義絕不用此爲始

仲孫蔑如宋

夏叔孫僑如會晉荀首于穀注穀齊地

梁山崩注記異也梁山在馮翔夏陽縣北疏

正義曰公羊傳曰梁

山崩何以書記異也公羊以爲非常爲異害物爲災此山崩無所害故爲異也

秋大水注無傳

冬十有一月己酉天王崩

十有二月己丑公會晉侯齊侯宋公衛侯鄭伯曹伯邾

子杞伯同盟于蟲牢注蟲牢鄭地陳留封丘縣北有桐

牢

傳五年春原屏放諸齊注放趙嬰也原同屏季嬰之

兄音義

屏步

丁反

嬰曰我在故樂氏不作我亡吾二昆其

憂哉且人各有能有不能注言已雖淫而能令莊姬

護趙氏音義

令力丁反

舍我何害弗聽嬰夢天使謂已祭

余余福女使問諸士貞伯貞伯曰不識也既而告其

人曰注自告貞伯從人音義

舍音捨又音赦聽吐丁反女音汝從才用反

疏

正義曰嫌告趙嬰使人故云自告貞伯從人也若告趙嬰使人不得云神福仁而禍淫

神福

仁而禍淫淫而無罰福也祭其得亡乎注以得放遣

爲福祭之之明日而亡注爲八年晉殺趙同趙括傳

○孟獻子如宋報華元也注前年宋華元來聘○夏

晉荀首如齊逆女故宣伯餽諸穀注野饋曰餽運糧

饋之敬大國也音義

餽音鄆饋其餽反

疏

正義曰釋詁云饋饋也孫炎曰餽野

之饋也彼言野饋饋田農在野之人此言野饋饋在野行路之人俱是在野言之謂之餽者言其運糧饋之彼自逆女而往○梁山崩晉侯以傳召伯宗注傳

驛音義

傳中總反注及下同驛音亦

伯宗辟重曰辟傳注重載之

車音義

辟重匹亦反徐甫赤反本又作僻曰辟音避

重人曰待我不如捷

之速也注捷邪出音義

捷在妄反邪似嗟反

疏

正義曰捷亦速也方行則遲邪

出則速楚辭謂邪行小道爲捷徑是捷爲邪出

問其所曰絳人也問絳事焉

曰梁山崩將召伯宗謀之問將若之何曰山有朽壤

而崩可若何國主山川注主謂所主祭音義

絳古巷反壤如

大反故山崩川竭君爲之不舉注去盛饌音義

爲于偽反去起

呂反饌仕總反

降服注損盛服乘縵注車無文音義

縵武旦反又莫

半反疏正義曰周禮巾車掌王之五路皆不言車有文飾其下服車五乘孤乘夏篆卿乘夏縵大夫乘

墨車鄭玄云夏篆五采畫轂約也夏縵亦五采畫無瑑耳墨車不畫也孤之車尚有瑑約明諸侯之車必

有瑑約詩所謂約輶錯衡是其事也乘縵車無文蓋乘大夫墨車也覲禮侯氏乘墨車乃朝鄭玄云墨車

大夫制也乘之者入天子之國車服不可畫同也彼爲適王尚乘墨車明此山崩降服亦乘墨車也徹

樂注意八音出次注舍於郊疏

正義曰僖三十三年傳秦伯以師敗于穀

素服郊次此言出次降服明亦次於郊也文四年傳楚人滅江秦伯爲之降服出次注云辟正寢與此文

互相見也

祝幣注陳玉帛史辭注自罪責以禮焉注禮山

川其如此而已雖伯宗若之何伯宗請見之注見之

於晉君音義

見賢遍反注皆同

不可注不肯見遂以告而從

之注從重人言○許靈公愬鄭伯于楚注前兩年鄭

伐許故六月鄭悼公如楚訟不勝楚人執皇戌及子

國注以鄭伯不直故也子國鄭穆公子故鄭伯歸使

公子偃請成于晉秋八月鄭伯及晉趙同盟于垂棘

注垂棘晉地○宋公子圍龜爲質于楚而歸注圍龜

文公子音義

質音致
下注同

華元享之請鼓譟以出鼓譟以

復入注出入輒擊鼓音義

譟素報反復
扶又反下同

曰習攻華氏

宋公殺之注蓋宣十五年宋楚平後華元使圍龜代

己爲質故怨而欲攻華氏○冬同盟于蟲牢鄭服也

諸侯謀復會宋公使向爲人辭以子靈之難注子靈

圍龜也宋公不欲會以新誅子靈爲辭爲明年侵宋

傳音義

向舒亮反難乃旦反一本無之難二字子靈爲辭一本無爲辭二字

○十一月

己酉定王崩注經在蟲牢盟上傳在下月倒錯衆家

傳悉無此八字或衍文音義

創丁老反

疏

正義曰傳不虛舉經文此無所

明又上下倒錯諸家之傳又悉無此言必是衍文此杜以疑事母實不敢輒去之耳

經六年春王正月公至自會注無傳

二月辛巳立武宮注魯人自鞏之功至今無患故築武

軍又作先君武公宮以告成事欲以示後世疏

正義曰杜以傳

稱季文子以鞏之功立武宮故云魯人自鞏之功至今無患追思鞏戰以爲己功故築武軍又作先君武公之

廟以告戰勝之事欲以章示後世明己之功也其意言
築爲武軍又作武公之廟公羊傳曰武宮者何武公之
宮也是立宮爲武公廟也武公是成公九世之祖其廟
毀已久矣今復立之以爲不毀之廟禮明堂位曰魯公
之廟文世室也武公之廟武世室也世室言其世世不
毀劉炫以爲直立武公之宮不築武軍今知不然者以
下傳云聽於人以救其難不可以立武立武由己非由
人也是丘明譏魯立武以章武功明非徒築宮而已又
宣十二年潘黨請築武軍楚子云武有七德我無一焉
武非吾功遂不敢築武軍以明武功此則丘明譏魯章
武功明亦築武軍也若其唯築武宮傳應云不可以立
武宮不得單稱武也劉以爲唯築武公之宮而規杜非
也

取鄆注附庸國也音義

鄆徐音專
又市樂反

衛孫良夫帥師侵宋

夏六月邾子來朝注無傳

公孫嬰齊如晉注嬰齊叔盱子

壬申鄭伯費卒注前年同盟蟲牢音義
秘費音

秋仲孫蔑叔孫僑如帥師侵宋

楚公子嬰齊帥師伐鄭

冬季孫行父如晉

晉欒書帥師救鄭

傳六年春鄭伯如晉拜成注謝前年再盟子游相注

子游公子偃音義

相息亮反下甯相同

授玉于東楹之東注禮

授玉兩楹之間鄭伯行疾故東過疏

正義曰聘禮云公受玉于中堂

與東楹之間鄭玄云中堂南北之中也入堂之深尊賓事也東楹之間亦以君行一臣行二也聘禮大夫奉命來聘君臣不敵故授玉于東楹之間國君來朝尊卑禮敵傳言東楹之東以譏鄭伯行速明禮當授玉于兩楹之間

士貞伯曰鄭伯其死乎自棄也已視流而行

速不安其位宜不能久注視流不端諦音義

諦音帝

○

二月季文子以鞶之功立武宮非禮也注宣十二年

潘黨勸楚子立武軍楚子答以武有七德非己所堪

其爲先君宮告成事而已今魯倚晉之功又非霸主

而立武宮故譏之音義

倚於綺反

疏

正義曰服虔云韋之戰禱武公以求勝故

立其宮案定元年傳昭公出故季平子禱于煬公立煬宮此若爲禱而立何以不言禱也無驗之說故不

可從聽於人以救其難不可以立武立武由己非由人

也注言請人救難勝非己功音義

難乃旦反注同

○取鄆言

易也音義

易以豉反

○三月晉伯宗夏陽說衛孫良夫甯

相鄭人伊雒之戎陸渾蠻氏侵宋注夏陽說晉大夫

蠻氏戎別種也河南新城縣東南有蠻城經惟書衛

孫良夫獨衛告也音義

夏戶雅反說音悅下文注同渾戶門反種章勇反

以

其辭會也注辭會在前年師于鉞衛人不保注不守

備音義

鉞其庶反一音針

說欲襲衛曰雖不可入多俘而歸

有罪不及死伯宗曰不可衛唯信晉故師在其郊而不設備若襲之是棄信也雖多衛俘而晉無信何以

求諸侯乃止師還衛人登陴注聞說謀故音義

陴毗支反

○晉人謀去故絳注晉復命新田爲絳故謂此故絳

音義復扶又反諸大夫皆曰必居郇瑕氏之地注郇瑕古

國名河東解縣西北有郇城音義郇音荀解音蟹沃饒而近

鹽國利君樂不可失也注鹽鹽也猗氏縣鹽池是音

義

近附近之近下及註近寶皆同鹽音古猗於宜反

疏

正義曰說文云鹽河東鹽池袤五十一里

廣七里周總百一十六里字從鹽省古聲然則鹽是鹽之名鹽雖是鹽惟此池之鹽獨名爲鹽餘鹽不名鹽也注正義曰土田良沃五穀饒多民豐則國利財多則君樂其處不可失也韓獻子將新

中軍且爲僕大夫注兼大僕音義

樂音洛下謂樂同將子匠反下注軍

將同大公揖而入獻子從公立於寢庭注路寢之庭

疏

正義曰禮玉藻云君日而視朝退適路寢聽政知寢庭是路寢之庭也沈氏云大僕職云王視燕朝

則正位掌摠相鄭注云燕朝朝於路寢之庭韓獻子既爲僕大夫故知寢庭路寢之庭也其路門之外朝則司士掌焉故司士掌治朝之儀治朝則路門之外每日治朝事之朝也其庫門之外朝則朝士掌焉故朝士云掌外朝之法此是詢衆庶問罪人之處也凡人君內朝二外朝一內朝二者路門內外之朝也外朝一者庫門外之朝也若諸侯三門庫應路外朝則在應門外魯之三門庫雉路則外朝在雉門外

獻子曰何如注問諸大夫言是非對曰不可郇瑕氏

土薄水淺注土薄地下其惡易覲注惡疾疾覲成也

音義

易以致反下注同覲古豆反疾物覲反本或作亦同

疏

正義曰下云土厚水深居之不疾此

云土薄水淺必居之多疾以此知惡是疾也爾雅訓覲爲見杜以惡爲疾疾非難見之物惟苦其病成耳故訓覲爲成言其病易成由水土惡故也

易覲則民愁民愁則墊隘

注墊隘羸困也音義

墊丁念反隘於賣反羸方僞反

疏

正義曰疾疾易成則下民

愁苦民既愁苦則必羸困羸困而謂之墊隘者方言云墊下也地之下濕狹隘猶人之羸瘦困苦故杜以

墊隘爲羸困也

於是乎有沉溺重脰之疾注沉溺濕疾重脰

足腫音義

溺乃歷反脰治僞反一音直媿反足腫章勇反一音常勇反

不如新田

注今平陽絳邑縣是土厚水深居之不疾注高燥故

有汾澮以流其惡注汾水出大原經絳北西南入河

澮水出平陽絳縣南西入汾音義

汾扶云反
澮古外反

垢古口反

且民從教注無災患十世之利也

正義曰民有災患則

不暇從上無災患則從教化十者數之小成故云十世之利也

夫山澤林監國之寶

也國饒則民驕佚注財易致則民驕侈音義

佚音逸

疏

正義曰魯語敬姜云昔者聖王之處民也擇瘠土而居之勞其民而用之故長王天下夫民勞則思思則善心生逸則淫淫則忘善忘善則惡心生沃土之民不材逸也瘠土之民莫不向義勞也敬姜此語自是激發之辭未必聖王盡然要亦有此理也太史公書稱武王克殷惠殷民富侈太史公曰奢昏厚葬以破其產爲其富而驕佚故設法以貧之也管子曰倉廩實而知禮節衣食足而知榮辱讓生於有餘爭生於

不足論語稱孔子適衛欲先富而後教爲其貧而無恥欲營生以富之也此皆觀民設教故其理不同若達都近監則民皆商販則富者彌富驕侈而難治貧者益貧饑寒而犯濫且貧者資富而致貧富者削貧而爲富惡民之富乃是慝民之貧欲使貧富均而勞佚等也

近寶公室乃貧不可

謂樂注近寶則民不務本疏

正義曰農業人之本也商販事之末也若民居

近寶則棄本逐末廢農爲商則貧富兼并若貧富兼并則貧多富少貧者無財以共官富者不可以倍稅賦稅少則公室貧也

公說從之夏四月丁丑晉遷于新田注爲

季孫如晉傳音義

說音悅

○六月鄭悼公卒注終士貞

伯之言○子叔聲伯如晉命伐宋注晉人命聲伯秋

孟獻子叔孫宣伯侵宋晉命也○楚子重伐鄭鄭從

晉故也注前年與晉盟○冬季文子如晉賀遷也○

晉欒書救鄭與楚師遇於繞角注繞角鄭地楚師還

晉師遂侵蔡楚公子申公子成以申息之師救蔡注

申息楚二縣音義

成音城

禦諸桑隧注汝南朗陵縣東

有桑里在上蔡西南音義

禦魚呂反
隧音遂

趙同趙括欲戰

請於武子武子將許之注武子欒書知莊子注荀首

中軍佐范文子注士燮上軍佐韓獻子注韓厥新中

軍將諫曰不可吾來救鄭楚師去我吾遂至於此注
此蔡地是遷戮也戮而不已又怒楚師戰必不克注
遷戮不義怒敵難當故不克雖克不令成師以出而
敗楚之二縣何榮之有焉注六軍悉出故曰成師以
大勝小不足爲榮若不能敗爲辱已甚不如還也乃

遂還於是軍帥之欲戰者衆或謂欒武子曰聖人與
衆同欲是以濟事子盍從衆注盍何不也音義

帥所類反

下注同盍
戶臘反

子爲大政注中軍元帥將酌於民者也注

酌取民心以爲政子之佐十一人注六軍之卿佐疏

正義曰服虔云是時樂書將中軍荀首佐之荀庚將上軍士燮佐之卻錡將下軍趙同佐之韓厥將新中軍趙括佐之鞏朔將新上軍韓穿佐之荀驪將新下軍趙旃佐之其不欲戰者三人

而已注知范韓也欲戰者可謂衆矣商書曰三人占

從二人衆故也注商書洪範疏

正義曰武王克殷始作洪範今見在周書

傳謂之商書者以箕子商人所陳故也

武子曰善鈞從衆注鈞等也夫

善衆之主也三卿爲主可謂衆矣注三卿皆晉之賢

人從之不亦可乎注傳善樂書得從衆之義且爲八

年晉侵蔡傳

經七年春王正月鼯鼠食郊牛角改卜牛鼯鼠又食其

角乃免牛注無傳稱牛未卜日免放也免牛可也不郊

非禮也音義

鼯音分

疏

正義曰釋獸鼯鼠李巡曰鼯鼯鼠一名鼯鼠孫炎曰有螫毒者蓋如

今鼠狼改卜牛下重言鼯鼠又食其角不重言牛者何休云言角牛可知後食牛者未必故鼠故重言鼠改卜被食角者言乃免牛則前食角者亦免之矣從下免省文也注正義曰僖三十一年傳曰牛卜日曰牲今稱牛是未卜日也免放也放不殺遂不郊也

吳伐鄭音義

鄭音談

夏五月曹伯來朝

不郊猶三望注無傳書不郊間有事三望非禮

秋楚公子嬰齊帥師伐鄭

公會晉侯齊侯宋公衛侯曹伯莒子邾子杞伯救鄭八月戊辰同盟于馬陵注馬陵衛地陽平元城縣東南有地名馬陵

公至自會注無傳

吳入州來注州來楚邑淮南下蔡縣是也

冬大雩注無傳書過

衛孫林父出奔晉

傳七年春吳伐鄭鄭成季文子曰中國不振旅蠻夷

入伐而莫之或恤注振整也旅衆也無弔者也夫注

言中國不能相恤故夷狄內侵音義扶夫音詩曰不

弔昊天亂靡有定其此之謂乎注詩小雅刺在上者

不能弔愍下民故號天告亂音義吳戶老反疏正義曰此

詩小雅節南山之篇有上不弔其誰不受亂注上謂霸主吾亡

無日矣君子曰知懼如是斯不亡矣○鄭子良相成

公以如晉見且拜師注謝前年晉救鄭之師爲楚伐

鄭張本音義

相息亮反
見賢遍反

○夏曹宣公來朝疏

正義曰
此文及

八年傳召桓公來錫公命並無所解釋而虛載經文
者釋例曰其經傳事同而文異者或告命之辭有差
異或氏族名號當須互見此
蓋須互見名號故舉之也

○秋楚子重伐鄭師于

汜注汜鄭地在襄城縣南音義

凡
汜音

諸侯救鄭鄭共

仲侯羽軍楚師注二子鄭大夫音義

共音
恭

囚鄖公鍾

儀獻諸晉八月同盟于馬陵尋蟲牢之盟且莒服故

也注蟲牢盟在五年莒本屬齊齊服故莒從之音義

鄭本又作員
音云邑名

○晉人以鍾儀歸囚諸軍府注軍藏府

也爲九年晉侯見鍾儀張本音義

藏才
浪反

○楚圍宋之

役注在宣十四年師還子重請取於申呂以爲賞田

王許之注分申呂之田以自賞申公巫臣曰不可此

申呂所以邑也是以爲賦以御北方若取之是無申

呂也注言申呂賴此田成邑耳不得此田則無以出

兵賦而二邑壞也音義

所以邑也一本作
所邑也御魚呂反

晉鄭必至

于漢王乃止子重是以怨巫臣子反欲取夏姬巫臣
止之遂取以行子反亦怨之及共王即位注楚共王
以魯成公元年即位音義共音子重子反殺巫臣之

族子閻子蕩及清尹弗忌注皆巫臣之族音義

閻音鹽

及襄老之子黑要注以夏姬故并怨黑要音義

要一遙反

而分其室子重取子閻之室使沈尹與王子罷分子
蕩之室子反取黑要與清尹之室巫臣自晉遺二子

書曰注子重子反音義

罷音皮下同遺唯季反

爾以讒慝貪惓

事君而多殺不辜余必使爾罷於奔命以死巫臣請

使於吳晉侯許之吳子壽夢說之乃通吳于晉注壽

夢季札父音義惡他得反懋力金反使所吏反以兩

之一卒適吳舍偏兩之一焉注司馬法百人爲卒二

十五人爲兩車九乘爲小偏十五乘爲大偏蓋留九

乘車及一兩二十五人令吳習之音義卒子忽反注同舍音赦舊

音捨乘繩證反下疏正義曰以兩之一謂將二十五人也又言卒謂更將百人也言

之者婉句耳凡將一百二十五人造吳也舍偏謂舍一偏之車九乘也兩之一焉又舍二十五人也凡舍

九乘車二十五人與吳矣發首言兩之一者爲舍此
兩之一故先言之又言卒者見巫臣所將非惟有一
兩也司馬法車九乘爲小偏十五乘爲大偏傳言偏
不言大當是留九乘車矣惟言留一偏不見元將車
數不知去時幾乘車去也立明爲傳辭皆易解此獨
蹇滋或誤本文蘇氏云舍九乘車以六乘車還則以
去時十五乘車傳不言者以舍既稱偏明去時有車
可知從省文也沈氏云聘使未有將兵車者今此特
將兵車爲方欲教吳
戰陳故與常不同

與其射御教吳乘車教之戰陳

教之叛楚注前是吳常屬楚音義

戰陳直
覲反

寘其子狐

庸馬使爲行人於吳吳始伐楚伐巢伐徐注巢徐楚

屬國音義

寘之
豉反

子重奔命注救徐巢馬陵之會吳入

州來子重自鄭奔命注因伐鄭而行子重子反於是
乎一歲七奔命蠻夷屬於楚者吳盡取之是以始大
通吳於上國注上國諸夏音義夏戶雅反○衛定公惡孫

林父冬孫林父出奔晉注林父孫良夫之子音義惡烏

路反衛侯如晉晉反戚焉注戚林父邑林父出奔戚隨

屬晉音義

戚七狄反

疏

正義曰傳言晉反戚焉則戚已屬晉襄二十六年衛孫林父入于戚

以叛此不言叛故解之戚是孫氏世所食邑林父出奔之後戚自從隨之而屬晉非林父入而將去故不

言叛

也

經八年春晉侯使韓穿來言汶陽之田歸之于齊注齊

服事晉故晉來語魯使還二年所取田音義

語魚
據反

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納幣注昏聘不使卿今華元將命

故特書之宋公無主昏者自命之故稱使也公孫壽蕩

意諸之父疏

正義曰傳於華元來聘之下云聘共姬也
則華元新始告魯欲圖爲昏昏禮發首云

昏禮下達乃言納采鄭玄云達通也將欲與彼合昏姻
必先使媒氏通其言女氏許之乃後使人納其采擇之
禮此華元來聘則彼昏禮所謂下達者也士禮使媒諸
侯不可求媒於其國自使臣行則亦媒之義昏有六禮
下達之後初有納采擇之禮既行納采其日即行問名
問女之名將歸卜其吉凶也歸既卜得吉又使使者往
告謂之納吉納吉則昏禮定矣復遣納徵徵成也納幣
以成昏禮士禮納徵有玄纁束帛儼皮其諸侯謂之納
幣以其幣多故指幣言之納幣以後又有請期親迎是
之謂六禮也計華元來聘之後當有納采納吉二使二
使之後乃次納幣今惟書納幣者納采納吉其使非卿
故不書也釋例曰諸侯昏禮云以士昏禮準之不得惟
止於納幣逆女納幣逆女二事皆必使卿行卿行則書
之他禮非卿則不書也宋公使華元來聘聘不應使卿
故傳但言聘共姬也使公孫壽來納幣納幣應使卿故
傳明言得禮也魯君之昏惟存納幣逆女此其義也是

言聘女不應使卿今華元以卿將命故特書之也隱二年公羊傳曰昏禮不稱主人宋公使公孫壽來納幣則其稱主人何辭窮也辭窮者何無母也禮有母則母命之宋公無主昏者宋公自命之故稱宋公使公孫壽來也公孫壽蕩意諸之父者文十六年傳文

晉殺其大夫趙盾趙盾注傳曰原屏咎之徒也明本不

以德義自居宜其見討故從告辭而稱名疏

正義曰傳稱莊姬譖

之則是同括無罪大夫無罪見殺例不書名此並書名故解之宣十二年傳曰原屏咎之徒也明本不以德義自居而妄叨高位宜其見討今雖實不作亂從告而稱其名言從告者凡殺大夫必以其實有罪告不肯言其無罪魯史詳其曲直乃立其文故所書或從或否耳

秋七月天子使召伯來賜公命注諸侯即位天子賜以命圭與之合瑞八年乃來緩也天子天王王者之通稱

音義

通稱尺證反

疏

正義曰天子賜諸侯之命書傳亦無正禮唯文元年天王使毛伯來錫公命僖

十一年傳王賜晉惠公命周語王賜晉文公命皆是即位而賜之又賜之以圭擬朝而合瑞諸侯即位禮必朝王明當即位即賜之命今八年乃來是緩也隱元年宰咺來賄爲其緩書名以譏之此亦緩也而不譏之者彼贈死不及尸弔生不及哀子氏未薨而豫凶事所失者大故特譏之春秋之時賜命禮廢惟文公即位而賜成公八年乃賜桓公死後追賜其餘皆不得賜苟以得之爲榮故不復譏其緩也且賜之以圭者爲朝而合瑞魯尚不朝天子不宜譏天子賜緩也天子之見經者三十有二稱天王者二十五稱王者六稱天子者一即此事

是也三稱並行傳無異說故知天子天王王者之通稱也其不同者史異辭耳公羊傳曰其稱天子何元年春王正月正也其餘皆通矣此用彼說也賈逵云諸夏稱天王畿內曰王夷狄曰天子王使榮叔歸舍且賜以恩深加禮妾母恩同畿內故稱王成公八年乃得賜命與夷狄同故稱天子左氏無此義故杜不從之

冬十月癸卯杞叔姬卒注前五年來歸者女既適人雖見出棄猶以成人禮書之終爲杞伯所葬故稱杞叔姬晉侯使士燮來聘

叔孫僑如會晉士燮齊人邾人伐郟注先謀而稱會盟主之命不同之於列國

衛人來媵注古者諸侯取適夫人及左右媵各有姪娣

皆同姓之國國三人凡九女所以廣繼嗣也魯將嫁伯

姬於宋故衛來媵之音義

媵以證反又繩證反適丁歷反姪大結反字林丈一反娣

大計

疏

正義曰莊十九年公羊傳曰媵者何諸侯娶一國則二國往媵之以姪娣從姪者何兄之子也

反娣者何弟也諸侯一聘九女是諸侯取適夫人及左右

媵各有姪娣也傳曰同姓媵之異姓則否是夫人與媵

皆同姓之國也魯衛同姓故來媵之釋例曰古者諸侯

之娶適夫人及左右媵各有姪娣皆同姓之國國三人

凡九女參骨肉至親所以息陰訟陰訟息所以廣繼嗣

也當時雖無其人必待年而送之所以絕望求塞非常

也辭稱姪愚不教故遣大夫隨之亦謂之媵臣所以將

謙敬之實也夫人薨不更聘必以姪娣媵繼室一與之

醜則終身不二所以重婚姻固人倫人倫之義既固上足以奉宗廟下足以繼後世此夫婦之義也

傳八年春晉侯使韓穿來言汶陽之田歸之于齊季

文子餞之注餞送行飲酒音義

餞錢淺反說文云送去食也字林子扇反

毛詩箋云祖而舍輶

疏

正義曰詩大雅韓奕篇云韓侯出祖出宿于屠顯父餞之

清酒百壺是餞飲酒於其側曰餞

爲送行飲酒也

私焉注私與之言曰大國制義以爲

盟主疏

正義曰義者宜也事得其宜謂之爲義汶陽之田宜其歸魯是歸魯爲義歸齊不義大國

當制其義事以爲諸侯之盟主

是以諸侯懷德畏討無有貳心謂汶

陽之田敝邑之舊也而用師於齊使歸諸敝邑注用

師韋之戰今有二命曰歸諸齊信以行義義以成命
小國所望而懷也信不可知義無所立四方諸侯其

誰不解體注言不復肅敬於晉音義

復扶又反

疏

正義曰言之有

信義事乃行是信以行義事必以義命乃成就故義
以成命也杖信以行義事以義而命諸侯故以小國
所望而歸之懷歸也言而無信則信不可知所命非
義則義無所立如是則四方諸侯其誰不解體謂事
晉之心皆
踈慢也 詩曰女也不爽士貳其行士也罔極二三

其德注爽差也極中也詩衛風婦人怨丈夫不一其
行喻魯事晉猶女之事夫不敢過差而晉有罔極之

心反二三其德音義

行下孟反注同差初賣反又初佳反

疏

正義曰衛風氓之篇

七年之中一與一奪二三孰甚焉士之二三猶喪妃

耦而况霸主霸主將德是以注以用也音義

喪息浪反妃音

配偶苦口反

而二三之其何以長有諸侯乎詩曰猶之未

遠是用大簡注猶圖也簡諫也詩大雅言王者圖事

不遠故用大道諫之音義

長音如字一音丁丈反

行父懼晉之

不遠猶而失諸侯也是以敢私言之疏

正義曰詩大雅板之篇也

言王者之所圖謀其事未能長遠我以是故用大道諫王行父今亦懼晉之不能遠圖而因此以失諸侯

是以敢私言之私布此言即是大諫也

○晉樂書侵蔡注六年未得志

故遂侵楚獲申驪注申驪楚大夫音義

驪力馳反

楚師之

還也注謂六年過於繞角時疏

正義曰還在六年不於彼言者因其今獲

申驪追言六年侵沈述樂書得從善之功故於此并言之

晉侵沈獲沈子揖初從

知范韓也注繞角之役樂書從知莊子范文子韓獻

子之言不與楚戰自是常從其謀師出有功故傳善

之沈國今汝南平輿縣音義

揖徐音集又於立反與音餘一音預

君子

曰從善如流宜哉注宜有功也如流喻速詩曰愷悌

君子遐不作人注遐遠也作用也詩大雅言文王能

遠用善人不語助音義

愷開在反樂也悌徒禮反易也

疏

正義曰大雅早麓之

篇

求善也夫作人斯有功績矣是行也鄭伯將會晉

師注會伐蔡之師音義

扶夫音

門于許東門大獲焉注

過許見其無備因攻之音義

過古禾反

○聲伯如莒逆也

注自爲逆婦而書者因聘而逆音義

爲于僞反下文爲趙嬰同

○

宋華元來聘聘共姬也注穆姜之女成公姊妹爲宋

共公夫人聘不應使卿故傳發其事而已音義

共音恭

疏

正義曰明年季文子如宋致女還稱宋土之樂穆姜出拜謝之知是穆姜所生之女也

夏宗

公使公孫壽來納幣禮也注納幣應使卿○晉趙莊

姬爲趙嬰之亡故譖之于晉侯注趙嬰亡在五年曰

原屏將爲亂欒卻爲徵注欒氏卻氏亦徵其爲亂六

月晉討趙同趙括武從姬氏畜于公宮注趙武莊姬

之子莊姬晉成公女畜養也疏

正義曰史記趙世家云趙朔娶晉成公姊

爲夫人案傳趙衰適妻是文公之女若朔妻成公之姊則亦文公之女父之從母不可以爲妻且文公之卒距此四十六年莊姬此時尚少不得爲成公姊也賈服先儒皆以爲成公之女故杜從之史記又稱有

屠岸賈者有寵於靈公此時爲司寇追論趙盾弑君之事誅趙氏殺趙朔趙同趙括而滅其族案二年傳樂書將下軍則於時朔已死矣同括爲莊姬所譖此年見殺趙朔不得與同括俱死也於時晉君明諸臣彊無容有屠岸賈輒厠其間得如此專恣又說云公孫杵臼取他兒代武死程嬰匿武於山中居十五年因晉侯有疾韓厥乃請立武爲趙氏後與左傳背違馬遷妄說不可從也

以其田與祁奚

韓厥言於晉侯曰成季之勲宣孟之忠注成季趙衰

宣孟趙盾音義

祁巨之反字林上尸反衰初危反盾徒本反

而無後爲善

者其懼矣三代之令王皆數百年保天之祿夫豈無

辟王賴前哲以免也注言三代亦有邪辟之君但賴

其先人以免禍耳音義

數所主反辟匹亦反注及下同哲陟列反邪似嗟反

疏

正義曰比趙同趙括嗣祖父之天祿若桀紂之輩雖邪辟子孫賴禹湯之功而食天祿

周書曰

不敢侮鰥寡所以明德也注周書康誥言文王不侮

鰥寡而德益明欲使晉侯之法文王音義

侮亡甫反鰥古頑反

乃立武而反其田焉○秋召桓公來賜公命注召桓

公周卿士○晉侯使申公巫臣如吳假道于莒與渠

丘公立於池上注渠丘公莒子朱也池城池也渠丘

邑名莒縣有遽里音義

遽其居反

疏

正義曰十四年莒子朱卒知渠丘公即是

朱也渠丘莒之邑名夷不當有諡或作
別號此朱以邑名爲號不知其故何也 曰城已惡莒

子曰辟陋在夷其孰以我爲虞注虞度也音義

已惡如字

已猶大也本或作城
已惡矣度待洛反

對曰夫狡焉注狡猾之人音義

狡交卯反
猾于八反

思啓封疆以利社稷者何國蔑有唯然故

多大國矣唯或思或縱也注世有思開封疆者有縱

其暴掠者莒人當唯此爲命音義

疆居良反注同唯然音維本或作雖

後人改也
掠音亮

疏

正義曰俗本唯作雖今定本作唯

勇夫重閉况國乎注

爲明年莒潰傳音義

重直龍反又直勇反閉補計反又補結反一音戶旦反

○

冬杞叔姬卒來歸自杞故書注愍其見出來歸故書

卒也若更適大夫則不復書卒音義

復扶又反

○晉士燮

來聘言伐郟也以其事吳故注七年郟與吳成公賂

之請緩師文子不可注文子士燮曰君命無貳失信

不立禮無加貨事無二成注公私不兩成君後諸侯

是寡君不得事君也注欲與魯絕音義

後如字徐音胡豆反

燮

將復之季孫懼使宣伯帥師會伐郟○衛人來媵共

姬禮也凡諸侯嫁女同姓媵之異姓則否注必以同

姓者參骨肉至親所以息陰訟疏

正義曰膏肓以爲
勝不必同姓所以

博異氣今左傳異姓則否十年齊人來勝何以無貶
刺之文左氏爲短鄭箴云禮稱納女於天子云備百
姓於國君云備酒漿不得云百姓是不博異氣
也齊是大國今來勝我得之爲榮不得貶也

經九年春王正月杞伯來逆叔姬之喪以歸

公會晉侯齊侯宋公衛侯鄭伯曹伯莒子杞伯同盟于

蒲注蒲衛地在長垣縣西南

公至自會注無傳

二月伯姬歸于宋注宋不使卿逆非禮

夏季孫行父如宋致女注女嫁三月又使大夫隨加聘

問謂之致女所以致成婦禮篤昏姻之好音義

好呼報反

疏

正義曰桓三年九月夫人姜氏至自齊冬齊侯使其弟年來聘傳曰齊仲年來聘致夫人也此二月伯姬歸于宋夏季孫行父如宋致女二者其間並近三月禮婦入三月廟見知致女必以三月蓋廟見之後婦禮既成使大夫聘問謂之致女成婦之禮存謙敬序殷勤所以篤昏姻之好也仲年行父俱是致女而彼言聘者在魯而出則曰致女在他國而來則但言聘外內之異文也以彼言聘而實是致女故二注皆言使大夫隨加聘問爲此也

晉人來媵注媵伯姬也

秋七月丙子齊侯無野卒注無傳五同盟丙子六月一

日書七月從赴疏

正義曰無野以宣十年即位此二年及國佐盟于袁婁又盟于蜀五年于

蟲牢七年于馬陵此年于蒲

皆魯齊俱在是五同盟也

晉人執鄭伯注鄭伯既受盟于蒲又受楚賂會于鄧故

晉執之稱人者晉以無道於民告諸侯例在十五年

晉欒書帥師伐鄭

冬十有一月葬齊頃公注無傳音義

頃音傾

楚公子嬰齊帥師伐莒庚申莒潰注民逃其上曰潰

楚人入鄆注鄆莒別邑也楚偏師入鄆故稱人

秦人白狄伐晉

鄭人圍許

城中城注魯邑也在東海廩丘縣西南此閏月城在十

一月之後十二月之前故傳曰書時疏

正義曰長歷推此年閏十一月

傳城中城文在十二月上而云書時也即是閏月城之閏月半後即是十二月節故水昏已正而城之是得時也

傳九年春杞桓公來逆叔姬之喪請之也注叔姬已

絕於杞魯復強請杞使還取葬音義

復扶又反下同強其丈反

杞

叔姬卒爲杞故也注還爲杞婦故卒稱杞音義

爲于偽反

下注爲魯下文爲歸汶陽同

逆叔姬爲我也注既棄而復逆其喪

明爲魯故音義

逆叔姬絕句爲我也本或無爲字

○爲歸汶陽之田

故諸侯貳於晉注歸田在前年晉人懼會於蒲以尋

馬陵之盟注馬陵在七年季文子謂范文子曰德則

不競尋盟何爲注競強也范文子曰勤以撫之寬以

待之堅彊以御之明神以要之柔服而伐貳德之次

也是行也將始會吳吳人不至注爲十五年會鍾離

傳音義

御魚呂反
要一遙反

○二月伯姬歸于宋注爲致女復

命起○楚人以重賂求鄭鄭伯會楚公子成于鄧注

爲晉人執鄭伯傳○夏季文子如宋致女復命公享

之賦韓奕之五章注韓奕詩大雅篇名其五章言蹶

父嫁女於韓侯爲女相所居莫如韓樂文子喻魯侯

有蹶父之德宋公如韓侯宋土如韓樂音義

蹶九衛反爲于

僞反相息亮反

穆姜出於房再拜曰大夫勤辱不忘

樂音洛下同

先君以及嗣君施及未亡人注穆姜伯姬母聞文子

言宗樂喜而出謝其行勞婦人夫死自稱未亡人音

義

施以
鼓反

先君猶有望也注言先君亦望文子之若此

敢拜大夫之重勤又賦綠衣之卒章而入注綠衣詩

邶風也取其我思古人實獲我心喻文子言得己意

音義

重直勇反又直用反綠如字本又
作祿吐亂反注同邶音佩又作鄴

○晉人來媵

禮也注同姓故○秋鄭伯如晉晉人討其貳於楚也

執諸銅鞮注銅鞮晉別縣在上黨音義

鞮丁
兮反

樂書伐

鄭鄭人使伯蠲行成晉人殺之非禮也兵交使在其

間可也注明殺行人例音義

蠲古玄反又音圭使在所吏反

楚子重

侵陳以救鄭注陳與晉故○晉侯觀于軍府見鍾儀

問之曰南冠而縶者誰也注南冠楚冠縶拘執音義

繫中立反

疏

正義曰應劭漢官儀云法冠一曰柱後冠九子反

冠左傳南冠而縶則楚冠也秦滅楚以其冠賜近臣御史服之即今解旁冠也古有解旁獸觸不直者故執憲以其形用爲冠令觸人也

有

司對曰鄭人所獻楚囚也使稅之注鄭獻鍾儀在七

年稅解也音義

稅吐活反徐始銳反注同

召而弔之再拜稽首問

其族對曰冷人也注冷人樂官音義

冷力丁反依字作伶

疏正

曰詩簡兮序云衛之賢者仕於冷官鄭玄云冷官樂官也冷氏世掌樂官而善焉故後世多號樂官爲冷官呂氏春秋稱黃帝使伶倫自大夏之西崑崙之陰取竹斷兩節而吹之以爲黃鍾之宮昭二十一年傳景王鑄無射冷州鳩非之是冷氏世掌樂官也周語云景王鑄鍾成冷人告和魯語云冷蕭詠歌及鹿鳴之三此稱冷人詩稱冷官是冷爲樂官之名也公曰能樂乎對曰先父之職

官也敢有二事注言不敢學他事使與之琴操南音

注南音楚聲音義

操七刀反下同

公曰君王何如對曰非小

人之所得知也固問之對曰其爲天子也師保奉之

以朝于嬰齊而夕于側也注嬰齊令尹子重側司馬
子反言其尊卿敬老不知其他公語范文子文子曰
楚囚君子也言稱先職不背本也樂操土風不忘舊
也稱大子抑無私也注舍其近事而遠稱少小以示

性所自然明至誠音義

語魚據反背音佩下同舍音捨少詩照反

疏

正義曰楚

王既爲君矣不言爲君時事而遠稱大子者若言爲
君時事嫌爲君隱惡或疑已在君位矯情爲善舍其
當時近事遠稱大子少小者未爲君時不湏隱蔽以
示王性自然言其從小如此以明己之至誠無所私
也禮君前臣名字則貴於名此道
二卿之名不言字是尊晉君也

名其二卿尊君也

注尊晉君也不背本仁也不忘舊信也無私忠也尊君敏也注敏達也仁以接事信以守之忠以成之敏以行之事雖大必濟注言有此四德必能成大事君盍歸之使合晉楚之成公從之重爲之禮使歸求成

注爲下十二月晉楚結成張本音義

盍戶臘反

○冬十一

月楚子重自陳伐莒圍渠丘渠丘城惡衆潰奔莒戊申楚入渠丘注月六日莒人囚楚公子平楚人曰勿殺吾歸而俘莒人殺之楚師圍莒莒城亦惡庚申莒

潰注月十八日楚遂入鄆莒無備故也注終巫臣之

言君子曰恃陋而不備罪之大者也備豫不虞善之

大者也莒恃其陋而不脩城郭決辰之間而楚克其

三都無備也夫注決辰十二日也音義

決子協反徐又音子答反

夫音疏正義曰決爲周匝也從甲至癸爲十日從子至亥爲十二辰周禮縣治象決日而斂之謂

周甲癸十日此言決辰謂周子亥十二辰故爲十二日也

詩曰雖有絲麻無棄菅

蒹雖有姬姜無棄蕉萃凡百君子莫不代匱言備之

不可以已也注逸詩也姬姜大國之女蕉萃陋賤之

人音義

管古顏反蒯苦怪反蕉在遙反萃在醉反匱其位反

疏

正義曰釋草云白華野管郭璞

曰管茅屬陸璣毛詩疏曰管似茅滑澤無毛肋宜爲索漚及曝尤善蒯與管連亦管之類喪服疏屨者傳曰薦蒯之菲也可以爲屨明肋如管竝可代絲麻之乏故云無棄也

○秦人白狄伐晉

諸侯貳故也○鄭人圍許示晉不急君也注此秋晉

執鄭伯是則公孫申謀之曰我出師以圍許注示不

畏晉爲將改立君者而紓晉使注紓緩也勿亟遣使

詰晉示欲更立君音義

爲將竝如字或于僞反非也本或作僞將紓音舒使所吏

反注及下同亟紀力反急也或欺異反數也

晉必歸君注爲明年晉侯歸

鄭伯張本○城中城書時也○十二月楚子使公子

辰如晉報鍾儀之使請脩好結成注鍾儀奉晉命歸

故楚報之音義

好呼報反

經十年春衛侯之弟黑背帥師侵鄭

夏四月五卜郊不從乃不郊注無傳卜常祀不郊皆非

禮故書疏

正義曰曲禮論卜筮云旬之外曰遠某日旬之內曰近某日則卜者每旬一卜傳稱啓蟄

而郊則周之三月郊之大期此云五卜者當是三月三卜四月又二卜皆不吉乃止也僖三十一年傳云禮不

卜常祀不應卜而卜以不吉而不郊皆非禮也

五月公會晉侯齊侯宋公衛侯曹伯伐鄭注晉侯太子

州蒲也稱爵見其生代父居位失人子之禮音義

見賢遍反

疏

正義曰如傳文知晉侯是太子也漢末有汝南應劭作舊名諱議云昔者周穆王名滿晉厲公名州滿又

有王孫滿是同名不諱則此爲州滿或曰州蒲誤耳今定本作蒲傳無譏文知識其生代父位失人子之禮者傳稱凡在喪公侯曰子父喪代位尚不稱君生代父位譏之必矣傳言立太子以爲君若其不譏則不須此傳是顯其譏之意

齊人來媵注無傳媵伯姬也異姓來媵非禮也

丙午晉侯孺卒注六同盟據傳丙午六月七日有日無

月音義

獮乃侯反

疏

正義曰獮以宣九年即位十七年盟于斷道元年于赤棘二年于袁婁五年于

蟲牢七年于馬陵九年于蒲

皆魯晉俱在是六同盟也

秋七月公如晉

冬十月

傳十年春晉侯使糴莠如楚注糴莠晉大夫音義

徐糴

徒弔反一音杜敖反又士弔反莠

扶廢反一音蒲發反又蒲艾反

報大宰子商之使

也注子商楚公子辰使在前年音義

大音泰使所吏反下及注使在

同

○衛子叔黑背侵鄭晉命也注晉命衛使侵鄭○

鄭公子班聞叔申之謀注改立君之謀三月子如立

公子繻注子如公子班音義

繻音須

夏四月鄭人殺繻

立髡頑子如奔許注髡頑鄭成公大子音義

髡苦門反頑如

字徐五班反

欒武子曰鄭人立君我執一人焉何益不如

伐鄭而歸其君以求成焉晉侯有疾五月晉立大子

州蒲以爲君而會諸侯伐鄭注生立子爲君此父不

父子不子經因書晉侯其惡明音義

州蒲本或作州滿

鄭子

罕賂以裏鐘注子罕穆公子裏鐘鄭裏公之廟鐘子

然盟于脩澤子駟爲質注子然子駟皆穆公子榮陽

卷縣東有脩武亭音義

質音致卷音權字林立權反如淳漢書同音

辛巳

鄭伯歸注鄭伯歸不書鄭不告入○晉侯夢大厲被

髮及地搏膺而踊曰殺余孫不義注厲鬼也趙氏之

先祖也八年晉侯殺趙同趙括故怒音義

被皮寄反搏音博踊

音疏

正義曰鬼怒言殺余孫不義必是枉死者之祖也景公即位以來惟有殺趙同趙括故知是趙

氏之先祖趙氏先祖其人非一鬼不自言其名未知誰之鬼世本云公明生趙夙晉語云趙衰趙夙之弟則括之祖公明是也服虔又以爲公明之鬼凡爲疫癘之鬼皆妖邪之氣未必真是彼人故杜不復指斥

余得請於帝矣壞大門及寢門而入公懼入于室又

壞戶公覺召桑田巫注桑田晉邑音義

壞音怪下同及寢門一本

無及字覺古孝反

巫言如夢注巫云鬼怒如公所夢公曰何

如曰不食新矣注言公不得及食新麥公疾病求醫

于秦秦伯使醫緩爲之注緩醫名爲猶治也音義

醫於

其反

未至公夢疾爲二豎子曰彼良醫也懼傷我焉逃

之其一曰居育之上膏之下若我何注育鬲也心下

爲膏音義

懼傷我絕句焉徐於虔反一讀如字屬上句逃之絕句育徐音荒說文云心下鬲上

也音草疏正義曰此賈逵之言杜依用之古今傳文皆以爲膏之下賈服何休諸儒等亦皆以爲膏

雖凝者爲脂釋者爲膏其實凝者亦曰膏故內則云小切狼臑膏則此膏謂連心脂膏也劉炫以爲釋首者爲膏連心之脂不得稱膏以爲膏當爲膏改易傳文而規杜氏非也

醫至曰疾不可

爲也在育之上膏之下攻之不可達之不及藥不至

焉不可爲也注達針音義

攻音工

公曰良醫也厚爲之

禮而歸之六月丙午晉侯欲麥注周六月今四月麥

始熟使甸人獻麥注甸人主爲公田者音義

甸徒練反

饋

人爲之召桑田巫示而殺之將食張如廁陷而卒注

張腹滿也音義

饋其媿反爲如字
張中亮反注同

小臣有晨夢負公

以登天及日中負晉侯出諸厠遂以爲殉注傳言巫

以明術見殺小臣以言夢自禍○鄭伯討立君者戊

申殺叔申叔禽注叔禽叔申弟疏

正義曰此無文也
以禽與申俱死當

是坐其兄弟
知是弟也

君子曰忠爲令德非其人猶不可況不

令乎注言申叔爲忠不得其人還害身疏

正義曰言
申叔忠誠

爲此令善之德施之於鄭伯施非得其善人猶尚不
可何況不有令德者乎言令德者姓年公孫申曰我
出師以圍許爲將改立君者
○秋公如晉注親弔非
而紓晉使晉必歸君是也

禮晉人止公使送葬於是糴莩未反注是春晉使糴
莩至楚結成晉謂魯貳於楚故留公須糴莩還驗其
虛實冬葬晉景公公送葬諸侯莫在魯人辱之故不
書諱之也注諱不書晉葬也

春秋左傳注疏卷二十六

春秋左氏傳注疏卷二十六考證

丙午及荀庚盟丁未及孫良夫盟○孫復曰此公及荀
庚孫良夫盟也不言公者二子伉也林堯叟曰聘而
遂盟始於此

傳討邲之役也○趙汭補注曰晉自邲戰後失鄭故傳
自其始叛言之

傳於是荀首佐中軍矣○

臣召南

按自宣公十七年士

會請老卻克爲政荀首即已佐中軍是以成二年傳

巫臣對楚王曰知瑩之父新佐中軍不始于此年也
傳追叙於此年耳

傳中行伯之於晉也其位在三○林堯叟曰中行伯即
荀庚以荀林父爲晉中行因以爲氏故亦謂中行伯
臣召南 按晉三軍將佐皆卿也時荀庚將上軍故云

位在三以下文大國卿有上中下言之正應是中卿
耳杜注言是下卿孔疏言第三猶爲下卿則其餘皆
下卿然則晉六卿惟中軍將爲上卿其中軍佐即中

卿乎

傳齊侯朝于晉將授玉疏竊原馬遷之意所以有此說者當讀此傳將授玉以爲將授王遂飾成爲此謬辭耳○臣召南按司馬遷必因上傳有晉作六軍之文又誤讀此授玉爲授王也

傳士燮佐上軍○林堯叟曰荀庚將上軍不出故佐獨行臣浩按晉軍或全出或半行葦之戰三軍俱出而

將佐半行此役則中軍將佐全出而上軍惟其佐獨

行下軍全不出也

傳取汜祭疏滎陽中牟縣○滎監本訛作荻今改正

立武宮○公羊傳曰武公之宮也啖助曰左傳以爲武
軍之宮非也若然煬宮復何謂乎劉敞曰魯僭天子
之禮學者習於魯更張而大之曰魯公之廟文世室
也武公之廟武世室也人之迷固久矣萬斯大曰據
昭十五年經書有事于武宮則公羊說是蓋韋戰時
禱于武公而得勝故立其宮也魯人不知其非禮且

擬之于魯公之廟而稱爲世室明堂位遂亦侈言之
武公之廟在懿孝爲禍至閔公則親盡而毀矣閔公
至今八十年中斷者三世一旦忽然更立于世字之
義何居

傳孝文子以韋之功立武宮○

臣召南

按左傳亦不謂

立武軍杜氏傳會宣十二年傳有潘黨勸楚子立武
軍之文遂據爲說耳服虔曰韋之戰禱武公以求勝
故立其宮解傳極當孔氏必護杜注而駁服義何邪

傳下文言不可以立武及立武由己皆言誇耀戰功之非非謂立武軍也

傳楚公子申公子成以申息之師救蔡○趙汭補注曰楚以申息爲經營中國之本故三軍二廣不常出而大抵用申息之師僖二十五年以申息之師戍商密二十六年申公叔侯戍齊文九年息公子朱伐陳成六年以申息之師救蔡昔宣王之世申伯實以王舅爲南國之屏翰所以干城王室秦漢之際南陽爲要

地故楚有圖北方之志其君多居于申大合諸侯亦在焉

吳伐郢○林堯叟曰吳始見經吳始入伐中國

傳是以始大通吳於上國○趙汭補注林氏曰楚人禦吳以江故用舟師吳人撓楚以淮故用車戰吳自徐伐巢淮西也入州來淮北也吳楚爭淮自此始自鷄父之師一敗而吳得州來滅巢及鍾離矣是則亡郢始于失淮

八年秋七月天子使召伯來賜公命注八年乃來緩也

○ 臣召南

按成公即位已八年未嘗一至京師朝天

子杜氏乃以天子賜命爲緩乎孔疏謂不宜譏天子
賜緩是也

傳夏宋公使公孫壽來納幣禮也○趙汙補注曰說者
疑昏禮不當使公子公孫非也國君臣諸父昆弟同
姓之卿與異姓之卿何異如魯鄭卿皆同姓當使何
人

傳三代之令王皆數百年保天之祿疏比趙同趙括嗣
祖父之天祿○監本訛作比趙同趙括謂天祿之祖
父遂不可解今改正

傳晉人殺之非禮也注明殺行人例○趙汙補注曰殺
行人非卿例不書此爲兵交發義

傳對曰泠人也疏呂氏春秋稱黃帝使伶倫自大夏之
西崑崙之陰○臣召南按呂氏春秋本文作阮隃之

陰漢志乃作崑崙之陰

傳詩曰雖有絲麻疏肋宜爲索又云明肋如管○

臣浩

按爾雅注兩肋字俱宜作韌言堅韌也

公會晉侯齊侯宋公衛侯曹伯伐鄭疏周穆王名滿晉
厲公名州滿○滿監本俱訛作蒲今改正

春秋左氏傳注疏卷二十六考證

謹按第六頁前一行疏文三年刊本脫文字據宋
本增

第十三頁前三行疏謂之餽者刊本監本毛本餽
訛饋今據宋本改

前四行疏彼自逆女諸本自訛晉據宋本改

第二十五頁後四行疏以舍既稱偏刊本稱訛備
據宋本改

第二十八頁前八行疏稱王者六各本六俱訛八

今據宋本改

第三十五頁前五行疏致成婦之禮刊本致訛其
據宋本改

第三十八頁後二行疏後世多號樂官為冷官刊
本多訛名今改

後三行疏昭二十一年刊本二訛三今改

後四行冷州鳩非之諸本非訛藏據宋本改

欽定四庫全書

覆校官檢討臣李學錦

校對官編修臣張秉愚

謄錄監生臣衛子忠

欽定四庫全書薈要

經部
左傳注疏卷二十七

詳校官原任侍講臣王燕緒



欽定四庫全書薈要卷一千一百四十三

經部

春秋左傳注疏卷二十七

起成公十一年盡十五年

晉杜氏注 唐陸德明音義 孔穎達疏

經十有一年春王三月公至自晉注正月公在晉不書

諱見止疏

正義曰襄二十九年正月公在楚傳曰釋不朝正于廟也彼以踰年故書正月公在楚此

亦踰年不書正月公在晉者為諱見止故正月不以告廟案春秋上下公之在晉諱與不諱悉皆不書此言諱見止者以此兼有諱義故詳之也宣五年傳公如齊高固使齊侯止公請叔姬焉夏公至自齊書過也注云公既見止連昏於鄰國之臣厭尊毀列累其先君而於廟行飲至之禮故書以示過宣七年公會晉侯云云于黑

壞傳稱晉侯以公不朝又不聘止公于會不與公盟八年公至自會注云義與五年書過同此亦見止還而告至杜不言義與書過同者公實不貳於楚晉以無罪止公非所當諱故依法告至然則正月諱不告者正月公猶被執守臣若其告廟當云公被晉執故諱而不告公還不以為恥故告至耳

晉侯使卻曄來聘己丑及卻曄盟注卻曄卻克從父兄

弟音義

曄尺由反

疏

正義曰案世本卻豹生冀芮芮生缺缺生克也又云豹生義義生步揚揚生州

州即曄也如彼文則曄與克俱是豹之曾孫當為從祖昆弟服虔以為從祖昆弟杜云從父昆弟或父當是祖

耳字誤

夏季孫行父如晉

秋叔孫僑如如齊音義

僑其驕反

冬十月

傳十一年春王三月公至自晉晉人以公為貳於楚

故止公公請受盟而後使歸注前年七月公如晉弔

至是乃得歸○卻驪來聘且涖盟注公請受盟故使

大夫來臨之音義

涖音利又音類

○聲伯之母不聘注聲伯

之母叔肸之妻不聘無媒禮音義

聘本亦作娉四政反肸許乙反媒亡

回穆姜曰吾不以妾為姒注昆弟之妻相謂為姒穆

姜宣公夫人宣公叔肸同母昆弟音義

似如音

䟽

正義曰世

人多疑娣姒之名皆以為兄妻呼弟妻為娣弟妻呼兄妻為姒因即惑於傳文不知何以為說今謂母婦之號隨夫尊卑娣姒之名從身長幼以其俱來夫族其夫班秩既同尊卑無以相加遂從身之少長喪服小功章曰娣姒婦報傳曰娣姒婦者弟長也以弟長解娣姒言娣是弟姒是長也公羊傳亦云娣者何弟也是其以弟解娣自然以長解姒長謂身之年長非夫之年長也釋親云長婦謂稚婦為娣婦謂長婦為姒婦止言婦之長稚不言夫之大小今穆姜謂聲伯之母為姒昭二十八年傳叔向之嫂謂叔向之妻為姒二者皆呼夫弟之妻為姒豈計夫之長幼乎釋親文云女子同出謂先生為姒後生為娣孫炎云同出謂俱嫁事一夫也事一夫者以已生先後為娣姒則知娣姒以已之年非夫之年也故賈逵鄭玄及此注

皆云兄弟之妻相謂為姒言兩人相謂謂長者為姒知娣姒之名不計夫之長幼也生聲伯而

出之嫁於齊管于奚生二子而寡以歸聲伯聲伯以

其外弟為大夫注外弟管于奚之子為魯大夫而嫁

其外妹於施孝叔注孝叔魯惠公五世孫卻犢來聘

求婦於聲伯聲伯奪施氏婦以與之婦人曰鳥獸猶

不失儷注儷耦也音義

儷力計反

䟽

正義曰禮謂兩皮為儷皮儷兩也故為耦

子將若何曰吾不能死亡注言不與卻犢婦懼能忿

致禍婦人遂行生二子於卻氏卻氏亡晉人歸之施

氏施氏逆諸河沈其二子注沈之於河音義

沈徐直陰反注

同一音如字

婦人怒曰已不能庇其伉儷而亡之注伉敵

也音義

已音以又音紀庇必利反又音秘伉苦浪反

疏

正義曰伉者相當之言故為敵也伉

儷者言是相敵之匹耦

又不能字人之孤而殺之注字愛也將

何以終遂誓施氏注約誓不復為之婦也傳言卻驪

淫縱所以亡也音義

復扶又反下文注復出皆同

○夏季文子如

晉報聘且涖盟也注卻驪文子交盟魯晉之君其意

一也故但書來盟舉重畧輕疏

正義曰晉臣來盟於魯魯臣往盟於晉俱

是相要其意一也意既同矣可書一以包二宜舉重而畧輕遣使為輕君親為重故卻犇書聘又書盟文子直書如晉畧言其聘而已衛冀隆難以為他卿來敵魯君春秋所諱魯卿出敵他國顯書名氏則應卻犇來盟為輕行父盟晉為重今書卻犇之盟則是舉輕畧重何得云舉重畧輕蘇氏釋云所言輕重者自謂魯之君臣臣盟為輕君盟為重二國各稟君命奉使而行非闕敵公之義其意不同不得相難○

周公楚惡惠襄之偏也注惠王襄王之族音義

慈烏路反

且與伯與爭政注伯與周卿士音義

伯與音餘本亦作與

不勝

怒而出及陽樊注陽樊晉地王使劉子復之盟于鄆而入三日復出奔晉注王既復之而復出所以自絕

於周為明年周公出奔傳郵周邑音義

郵音

○秋宣

伯聘于齊以脩前好注鞏以前之好音義

好呼報反注同

○

晉卻至與周爭鄆田注鄆溫別邑今河內懷縣西南

有鄆人亭音義

鄆音侯字林音候鄆人本又作候人如字

王命劉康公單

襄公訟諸晉卻至曰溫吾故也故不敢失注言溫卻

氏舊邑音義

單音善

䟽

正義曰鄆是溫之別邑本從溫內分出溫屬晉鄆屬周溫是卻

氏舊邑卻氏既已得溫則謂從溫而分出者亦宜從溫而屬卻氏故卻至爭之則劉子單子之言襄王勞文公而賜之溫於時鄆已分矣賜晉以溫不賜以鄆也狐氏陽氏先處溫邑於時亦不得鄆鄆本未嘗屬

晉故為王
官之邑

劉子單子曰昔周克商使諸侯撫封注各

撫有其封內之地蘇忿生以溫為司寇與檀伯達封

于河注蘇忿生周武王司寇蘇公也與檀伯達俱封

於河內音義

檀徒丹反

疏

正義曰尚書立政云周公若曰太史司寇蘇公此傳與彼俱言

蘇公為司寇明是一人此言克商即為司寇是為武王司寇

蘇氏即狄又不能於

狄而奔衛注事在僖十年襄王勞文公而賜之溫注

在僖二十五年音義

勞力報反

狐氏陽氏先處之注狐漆

陽處父先食溫地音義

漆側中反

而後及子若治其故則

王官之邑也子安得之晉侯使卻至勿敢爭注傳言

卻至貪所以亡○宋華元善於令尹子重又善於欒

武子聞楚人既許晉糴棧成而使歸復命矣注在往

年音義

華戶化反

冬華元如楚遂如晉合晉楚之成注為

明年盟宋西門外張本○秦晉為成將會于令狐晉

侯先至焉秦伯不肯涉河次于王城使史黶盟晉侯

于河東注史黶秦大夫音義

令力丁反黶苦果反

晉卻欒盟秦

伯于河西注就盟王城范文子曰是盟也何益齊盟

所以質信也注齊一心質成也會所信之始也始之不從其可質乎秦伯歸而背晉成注為十三年伐秦

傳音義

背音佩卷內背同

經十有二年春周公出奔晉

夏公會晉侯衛侯于瑣澤注瑣澤地闕音義

瑣素果反

秋晉人敗狄于交剛注交剛地闕

冬十月

傳十二年春王使以周公之難來告注周公奔在前

年音義

難乃旦反

書曰周公出奔晉凡自周無出周公自

出故也注天子無外故奔者不言出周公為王所復

而自絕於周故書出以非之疏

正義曰凡言出者謂出其封內天子以天

下為家本無出封之理以無外之故雖有出奔之人史策皆不言出昭二十六年尹氏召伯毛伯以王子朝奔楚實出而不言出是其事也襄王蔽於匹夫之孝不顧天下之重故書云出居于鄭此周公王既復之而又自出故書云出奔是不應言出而言出皆所以罪責之也鄭玄答孫皓曰凡自周無出者周無放臣之法罪大者刑之小則宥之以為實無出法案書流宥五刑則宥者流之非不出也舜放四罪投之四裔安得不出畿乎若如周禮無流放之文即云周無放臣之法禮三諫不從待放於郊然則周臣三諫不

從終是不蒙王放欲令諫者何所措身左傳發凡自是書策之例因即以為周制謂其實無出者執文害意為蔽

○宋華元克合晉楚之成注終前年事夏五

月晉士燮會楚公子罷許偃注二子楚大夫音義

罷音

皮癸亥盟于宋西門之外曰凡晉楚無相加戎好惡

同之同恤菑危備救凶患若有害楚則晉伐之在晉

楚亦如之交贄往來道路無壅注贄幣也音義

好惡並如

字又上呼報反下烏路反菑音災贄本又作摯之二反壅於勇反

疏正義曰傳言交贄往來謂聘使

來去也聘禮賓執圭以通命執幣以致享故知贄是幣謂聘享之幣也

謀其不協而討

不庭注討背叛不來在王庭者有渝此盟明神殛之

注殛誅也音義

渝羊朱反殛本又作極紀力反注同

俾隊其師無克胙

國注俾使也隊失也音義

俾本亦作卑必爾反隊直類反注同胙才故反

鄭

伯如晉聽成注聽猶受也晉楚既成鄭往受命會于

瑣澤成故也注晉既與楚成合諸侯以申成好音義

好呼報反盡年皆同

○狄人間宋之盟以侵晉而不設備音義

間宋間廁之間

秋晉人敗狄于交剛○晉卻至如楚聘且涖

盟楚子享之子反相為地室而縣焉注縣鐘鼓也音

義

相息亮反縣音玄注同

郤至將登注登堂金奏作於下注擊

鐘而奏樂疏

正義曰作樂謂之奏奏樂先擊鐘故周禮大司樂樂師每事皆云令奏鐘鼓以

鐘先擊故先言鐘也鐘以金為之謂之金奏故鐘師

掌金奏鄭玄云金奏擊金以為奏樂之節金謂鐘及

鐸也鄭玄燕禮注云以鐘鐸播之鼓磬應之所謂金

奏也是金為奏節之初故傳言金奏作於下作樂先

擊鐘故注云擊鐘而奏樂也禮記仲尼燕居云兩君

相見入門而縣興升堂而樂闋郊特牲曰賓入大門

而奏肆夏示易以敬也鄭玄云賓朝聘者朝聘連言

之則兼享朝賓聘客皆入門即奏樂矣其實朝賓入

門而奏樂聘客則至庭乃奏樂此郤至將登堂始奏

樂者縣當在庭而楚之為地室而縣待客將登乃奏

皆所以見異故欲以驚賓矣燕享聘客皆當入門奏

肆夏若燕已之羣臣則有王事之勞者乃得以樂納

賓其常燕唯有升歌間合而已無納賓之樂也故燕禮記云若以樂納賓則賓及庭奏肆夏鄭玄云卿大夫有王事之勞者則奏此樂焉是燕已驚而走子之臣無王事之勞者不以樂納賓也

反曰日云莫矣寡君須矣吾子其入也賓曰君不忘

先君之好施及下臣貺之以大禮重之以備樂注貺

賜也音義

莫音暮本亦作暮施以政反重直用反

䟽

正義曰卒聞地下鐘聲出其不意故

驚而走出其出實為驚怖因即飾辭辭樂言已不敢當大禮匿其驚走之意

如天之福兩

君相見何以代此下臣不敢注言此兩君相見之禮

䟽

正義曰仲尼燕居云兩君相見入門而縣興是賓入門作樂為兩君相見之禮也而燕禮雖兼聘問

之賓以燕已臣為主而云若以樂納賓燕已之臣尚有以樂納賓之法則燕享聘客必以樂納賓矣故鄭玄郊特牲注云賓朝聘者朝聘並言則君臣同樂卻至不敢同君故以之為辭耳非謂禮不得也

子

反曰如天之福兩君相見無亦唯是一矢以相加遺

焉用樂注言兩君戰乃相見無用此樂音義

遺唯季反焉於

虔疏

正義曰子反意言晉楚並是大國不肯相朝唯戰乃相見其相見之時唯當用是一矢以相加

陵相遺與耳無為用此樂也

寡君須矣吾子其入也賓曰注傳諸

交讓得賓主辭者多曰賓主以明之疏

正義曰知傳諸交讓得賓

主辭多曰賓主者此傳每稱卻至為賓文十二年傳稱西乞術為賓并稱主人曰之類是也

若讓

之以一矢禍之大者其何福之為世之治也諸侯間

於天子之事則相朝也注王事間缺則修私好音義

治直吏反下注治世同間音閑注同

於是乎有享宴之禮享以訓共儉

注享有體薦設几而不倚爵盈而不飲肴乾而不食

所以訓共儉音義

享許丈反舊又許亮反本亦作饗宴於見反徐於顯反倚於綺反

䟽

正義曰享有體薦宣十六年傳文也設几而不倚爵盈而不飲昭五年傳文也禮聘義記曰聘之禮

至大禮也酒清人渴而不敢飲也肉乾人饑而不敢食也彼言聘禮即是享聘賓之禮此事皆所以教訓

恭儉也

宴以示慈惠注宴則折俎相與共食音義

折之設反

䟽正義曰宣十六年傳云宴有折俎宴則節折其肉升之於俎相與共啗食之所以表示慈惠也共

儉以行禮而慈惠以布政政以禮成民是以息百官

承事朝而不夕注不夕言無事音義

朝直遙反朝日朝徐音朝旦之

朝䟽

正義曰旦見君謂之朝莫見君謂之夕哀十四年傳稱子我夕晉語稱叔向夕皆謂夕見君也

人息事少故百官承奉職事皆朝朝而莫不夕不夕言無事也此公侯之所以扞城

其民也注扞蔽也言享宴結好鄰國所以蔽扞其民

音義

扞戶旦反

䟽

正義曰扞者扞禦寇難故為蔽也言燕享結好與鄰國通和甲兵不興人得安

息所以蔽扞其民若如城然故云所以扞城其民也故詩曰赳赳武夫公侯干

城注詩周南之風赳赳武貌干杆也言公侯之與武

夫止于杆難而已音義

赳居黜反一音居醜反難乃旦反干戶旦反本亦作杆又

如字

疏

正義曰詩周南兔置之篇言兔置之人亦是賢者其人乃是赳赳然雄武之夫與公侯共

杆城其民也引詩之意言世治無事公侯之與武夫設共儉慈惠之禮與人杆難而已不侵伐他國也干

杆釋言文

及其亂也諸侯貪冒侵欲不忌爭尋常以盡其

民注八尺曰尋倍尋曰常言爭尺丈之地以相攻伐

音義

冒莫報反又亡北反

疏

正義曰周禮考工記云人長八尺父長尋有四尺崇於人四尺車戰

常崇於父四尺是八尺曰尋倍尋曰常喻其少故言爭尺丈之地以相攻伐盡殺其民孟子曰爭城以戰

殺人盈城爭地以戰殺人
盈野是謂盡殺其民也

略其武夫以為已腹心股

肱爪牙注略取也言世亂則公侯制禦武夫以從已

志使侵害鄰國為搏噬之用無已音義

搏音博噬市制反

䟽

正義曰武夫有武能為人之扞蔽世治則公侯同於
武夫同其腹心相與扞已民而已不侵犯他人也世
亂則使武夫同於公侯其公侯欲得拓竟寬土則制
禦武夫以從已志使武夫為已腹心股肱爪牙令之
侵害鄰國搏擊也噬齧也犬能搏噬
譬之於犬為搏噬之用無已時也

故詩曰赴赴武

夫公侯腹心注舉詩之正以駁亂義詩言治世則武

夫能合德公侯外為扞城內制其腹心音義

駁邦䟽角反

正義曰此亦免置之篇美賢人之事而引之以證世亂故解之此舉詩之正以駁世亂之義詩言治世則武夫能合德公侯外則扞城其民內則制其腹心也以其人心則本貪縱之則害物矣美公侯能以武夫制已腹心自守扞天下有道則公侯能為民干城而難而已不害人也

制其腹心亂則反之注畧其武夫以為已腹心爪牙

音義

能為于偽反又如字

疏

正義曰天下有道之時公侯能為民扞城禦難而使武夫制其已之

腹心不侵犯他國也亂則反之不復扞蔽已民乃以武夫從已腹心將武夫為股肱爪牙以侵害他國是反治世也晉楚世為仇敵常有相害之心子反言一矢相加仍懷戰鬪之意故卻至言世治則自守世亂則相侵答上一矢之言冀得久為和好故說此也

今吾子之言亂之道也不

可以為法然吾子主也至敢不從遂入卒事歸以語

范文子文子曰無禮必食言吾死無日矣夫注言晉

楚不能久和必復相伐為十六年鄢陵戰張本音義

語魚據反夫音扶本亦無此字復扶

疏正義曰以一

又反鄢謁晚反漢書音義一建反

矢為辭是無

禮也食言是其將背盟也背

冬楚公子罷如晉聘且

盟必相伐故為死亡無日矣

涖盟注報卻至十二月晉侯及楚公子罷盟于赤棘

注晉地

經十有三年春晉侯使卻錡來乞師注將伐秦也侯伯

當召兵而乞師謙辭音義

錡魚反

疏

正義曰晉雖是侯伯恐魯不與若言召兵

或容辭說言乞則不得不與釋例曰乞師者深求過理之辭執謙以逼成其計是解乞為謙意

三月公如京師注伐秦道過京師因朝王音義

過古禾反又古

臥疏

正義曰公本為伐秦道過京師因往朝王不稱朝而言公如京師者以明公朝于王所王不在京師

故指言王所據王言之不得不稱朝此則王在京師京師是國之總號不斥王身不可稱朝故依尋常朝聘鄰國之文稱如而已劉炫云魯朝聘皆言如不果彼國必成其禮或在道而還如者書其始發言往而已言公朝王所者發國不為朝王至彼遇王朝之朝訖乃書故稱朝也此過京師亦宜稱朝言如者發雖主為伐秦即有

初發故言如也

夏五月公自京師遂會晉侯齊侯宋公衛侯鄭伯曹伯
邾人滕人伐秦

曹伯盧卒于師注五同盟音義

盧本亦作疏正義曰盧力吳反以宣十五

年即位十七年盟于斷道成二年于袁婁又于蜀五年于蟲牢七年于馬陵九年于蒲凡六同盟不數宣公斷道為五

秋七月公至自伐秦注無傳

冬葬曹宣公

傳十三年春晉侯使卻錡來乞師將事不敬注將事

致君命孟獻子曰郤氏其亡乎禮身之幹也敬身之

基也郤子無基䟽

正義曰幹以樹木為喻基以牆屋為喻樹木以本根為幹有幹故枝

葉茂焉牆屋以下土為基有基乃牆屋成焉人身以禮敬為本必有禮敬身乃得存郤子無基則亦無幹但言有所拘不復得言幹耳且先君之嗣卿也受命以求師將社

稷是衛而惰棄君命也不亡何為注郤錡郤克子故

曰嗣卿為十七年晉殺郤錡傳音義

惰徒臥反

○三月公

如京師宣伯欲賜注欲王賜也請先使王以行人之

禮禮焉注不加厚音義

使所吏反

孟獻子從王以為介而

重賄之注介輔相威儀者獻子相公以禮故王重賄

之音義

從才用反介音界相息亮反下同

䟽

正義曰周語簡王八年魯成公來朝使叔孫僑

如先聘且告見王孫說與之語說言於王曰魯叔孫之來有異焉其幣薄而言諂殆請之也若請之必欲賜也且其狀方上而銳下宜觸冒人主其勿賜若貪陵之人來而盈願是賞不善也且財不給王使私問諸魯魯人云請之也王遂不賜禮如行人孔晁云行人使人也以使人之禮禮之不從聘者之賜禮也又曰魯侯至仲孫蔑為介王孫說與之語說讓說以語王王厚賄之

公及諸侯朝王遂

從劉康公成肅公會晉侯伐秦注劉康公王季子劉

成二公不書兵不加秦成子受脤于社不敬注脤宜

社之肉也盛以脤器故曰脤宜出兵祭社之名音義

脤市軫反

䟽

正義曰宜者祭社之名脤是盛肉之器

盛音咸

受脤于社受祭社之胙肉也周禮掌蜃

祭祀共蜃器之蜃鄭玄云飾祭器之屬也春秋定十四年秋天王使石尚來歸脤脤之器以蜃飾因名焉鄭衆云脤可以白器令色白是盛以脤器故曰脤也既言宜社又自解宜名釋天云起大事動大衆必先有事乎社而後出謂之宜孫炎曰有事祭也宜求見祐也是宜者出兵祭社之名

劉子曰吾

聞之民受天地之中以生所謂命也是以有動作禮

義威儀之則以定命也能者養之以福注養威儀以

致福不能者敗以取禍是故君子勤禮小人盡力勤

禮莫如致敬盡力莫如敦篤敬在養神篤在守業國

之大事在祀與戎祀有執膳注膳祭肉音義

盡津忍反下同

膳音

䟽

正義曰詩詠祭祀之禮云為俎孔碩或膳或

煩

炙又曰旨酒欣欣膳炙芬芬毛傳云傳火曰

燔祭肉有燔而薦者

因謂祭肉為膳也

戎有受服神之大節也注交神

之大節令成子情棄其命矣注情則失中和之氣其

不反乎注為成肅公卒于瑕張本䟽

正義曰天地之中謂中和之氣

也民者人也言人受此天地中和之氣以得生育所謂命也命者教命之意若有所稟受之辭故孝經說云命者人之所稟受度是也命雖受之天地短長有本順理則壽考逆理則夭折是以有動作禮義威儀

之法則以定此命言有法則命之長短得定無法則夭折無恒也故人有能者養其威儀禮法以往適於福或本分之外更得延長也不能者敗其威儀禮法而身自取禍或本分之内仍有減割也為其求福畏禍之故君子勤禮以臨下小人盡力以事上勤禮莫如臨事致敬盡力莫如用心敦篤敬之所施在於養神朝廷百官事神必敬篤在守業草野四民勿使失業也國之大事在祀與戎宗廟之祀則有執牐兵戎之祭則有受脤此是交神之大節也今成子受脤而情是自棄其命矣死必在近此行其不得反乎爾之往也養之以福謂將身向福也敗以取禍謂禍及身也福則人之所欲作往就之辭也禍則人之所惡作自來之語也敬則所施有處故言致敬也厚則唯在己身無所可致故重言敦篤也執牐受脤俱是於祭未度而執之互相見也劉炫云命者冥也言其生育之性得之於冥兆也○夏四月戊午

晉侯使呂相絕秦曰注呂相魏錡子盖口宣已命音

義

相息亮反註同

昔逮我獻公及穆公注晉獻公秦穆公音

義

逮音代一音大計反

相好戮力同心疏

正義曰孔安國以戮力為陳力以論語有

陳力就列故也戮力猶言勉力努力耳

申之以盟誓重之以昏姻注穆

公夫人獻公之女音義

好呼報反下同戮力相承音六嵇康力幽反呂靜字韻與

颺同字林音逮

天禍晉國文公如齊惠公如秦注辟驪姬也

不言狄梁舉所恃大國音義

辟音避驪力知反

無祿獻公即

世穆公不忘舊德俾我惠公用能奉祀于晉注僖十

年秦納惠公音義

俾本或作卑必爾反下及注同

又不能成大勲而

為韓之師注僖十五年秦伐晉獲惠公䟽

正義曰言秦既納惠

公又不能遂成大功而復伐晉為此韓之師也下云亦悔于厥心謂秦悔伐晉也

亦悔于厥

心用集我文公注集成也是穆之成也注成功於晉

文公躬擐甲胄跋履山川注草行為跋音義

擐音患胄直又

反跋蒲末反

踰越險阻征東之諸侯虞夏商周之亂而朝

諸秦則亦既報舊德矣鄭人怒君之疆場我文公帥

諸侯及秦圍鄭注晉自以鄭貳於楚故圍之鄭非侵

秦也晉以此誣秦事在僖三十年音義

疆居良反

秦

大夫不詢于我寡君檀及鄭盟注詢謀也盟者秦伯

謙言大夫音義

詢思巡反
檀市戰反

諸侯疾之將致命于秦注

致死命而討秦時無諸侯蓋諸侯遙致此意疏

正義曰劉

炫以為誣秦今知不然者凡誣秦者謂加之罪傳辭少畧者可得稱誣今傳云諸侯疾之將致命于秦文公恐懼綏靜諸侯又云我有大造于西傳文既詳明諸侯實有此意若無諸侯何得稱為大造且秦師襲鄭鄭亦疾秦此則諸侯之義也

劉文公恐懼綏靜諸

以為實無諸侯而規杜過非也

侯秦師克還無害則是我有大造于西也注造成也

言晉有成功於秦音義

恐曲勇反

無祿文公即世穆為不

弔注不見弔傷䟽

正義曰曲禮云知生者弔知死者傷知生而不知死弔而不傷知死

而不知生傷而不弔鄭玄云人恩各施於所知弔傷皆謂致命辭也雜記諸侯使人弔辭曰寡君聞君之喪寡君使某如何不淑此施於生者傷辭未聞也說者有衍弔辭云皇天降災子遭罹之如何不淑此施於死者蓋傷辭畢退皆哭是弔傷之事

蔑死我君寡我襄公注寡弱也

音義

死我君本或以我字在死上

䟽

正義曰輕蔑文公以為死無知矣謂襄公寡弱而陵忽之

迭我殺地奸絕我好伐我保城殄滅我費滑注伐保

城誣之費滑滑國都於費今緄氏縣音義

迭直結反徐音逸散

戶交反奸音干費扶味疏正義曰奸亂斷絕不復與反滑于八反維古侯反

涑川俘我王官傳皆無文獨謂此為誣者於時輕行

襲鄭不得在道用兵故知此伐保城是誣之也春秋

之時更無費國秦惟滅滑不滅費知費散離我兄弟

即滑也國都於費國邑並舉以圓文耳

撓亂我同盟注滑晉同姓音義撓乃卯反徐許高反傾覆我國

家我襄公未忘君之舊勲注納文公之勲音義覆孚服反

下同而懼社稷之隕是以有殺之師注在僖三十三年

音義隕于敏反下同猶願赦罪于穆公注晉欲求解於秦穆

公弗聽而即楚謀我天誘其衷成王隕命注秦使鬬

克歸楚求成事見文十四年文元年楚弑成王音義

見賢疏正義曰文十四年傳云初鬬克囚于秦秦有
遍反殺之敗使歸求成僖三十三年秦敗于殽文

元年楚弑成王穆公是以不克逞志于我注逞快也
故謀不成也

音義

逞勅景反

穆襄即世康靈即位注文六年晉襄秦穆

皆卒康公我之自出注晉外甥又欲闕剪我公室傾

覆我社稷帥我蝥賊以來蕩搖我邊疆注蝥賊食禾

稼蟲名謂秦納公子雍音義

闕其月反徐如字蝥賊莫侯反爾雅蟲食苗為

蝥食節為賊

疏

正義曰釋蟲云食根蝥食節賊是食禾稼
之蟲也納雍害晉若蟲食禾然彼晉自名

雍非秦
罪也

我是以有令狐之役注在文七年康猶不悛

入我河曲注悛改也音義

悛七全反

伐我涑川俘我王官

注涑水出河東聞喜縣西南至蒲坂縣入河音義

涑徐

息錄反又音速字

林同俘芳夫反

翦我羈馬我是以有河曲之戰注

在文十二年東道之不通則是康公絕我好也注言

康公自絕故不復東通晉音義

復扶又反

及君之嗣也注

君秦桓公我君景公引領西望曰廢撫我乎注望秦

撫恤晉君亦不惠稱盟注不肯稱晉望而共盟音義

稱尺證反注同

利吾有狄難注謂晉滅潞氏時音義

難乃旦反

入

我河縣焚我箕部芟夷我農功注夷傷也音義

箕音基一

音其部古報反芟所銜反夷本亦作瘡音夷

虔劉我邊陲注虔劉皆殺也

䟽

正義曰劉殺釋詁文方言云虔殺也重言殺者亦圖文耳

我是以有輔氏之聚

注聚衆也在宣十五年音義

聚才喻反注同

䟽

正義曰謂聚衆以拒秦也

以上有殺之師令狐之役河曲之戰不用重文故變文言聚古人為文亦有辟耳

君亦悔禍

之延注延長也而欲徼福于先君獻穆注晉獻秦穆

音義

徼古堯反

使伯車來命我景公曰注伯車秦桓公子

吾與女同好棄惡復修舊德以追念前勲言誓未就
景公即世我寡君是以有令狐之會注令狐會在十

一年申厲公之命宜言寡人稱君誤也音義

女音汝下文皆

同好呼報反一音如字復音服又扶又反寡君讀者亦作寡人

䟽

正義曰劉炫以為臣之出使自稱已

君皆曰寡君呂相雖奉君命兼有已語稱寡君正是其理杜何知宜為寡人稱君為誤今刪定如劉說非者以呂相奉厲公之命而往絕秦則皆是厲公之言不得兼有已語案隱十一年鄭伯告許大夫曰假手于我寡人今呂相稱厲公之命還與自稱無異亦當云我寡人故知稱君為誤劉以稱寡君為是以規杜過非也

君又不祥注祥善也背棄盟誓白狄及君同州

注及與也疏

正義曰周禮職方氏正西曰雍州其川涇汭其浸渭洛皆秦地也正北曰并州

其澤藪曰昭餘祁其川虜池啞夷皆晉地也是秦屬雍而晉屬并白狄蓋狄之西偏屬雍州也君之

仇讎而我之昏姻也注季隗廐咎如赤狄之女也白

狄伐而獲之納諸文公音義

隗五罪反廐在良反咎音羔

疏

正義曰三

年晉衛伐廐咎如傳曰討赤狄之餘焉知咎如是赤狄也文公所奔之狄不言赤白以其伐赤不應赤自相伐知白狄伐之也其女雖是赤狄之種而由白狄以納文公得以白狄為昏姻也且此辭多誣欲親狄以曲秦故引狄為昏姻耳晉人自數伐狄寧復顧昏姻也杜以傳有季隗之事引之以證昏姻未必晉於無昏姻君來賜命曰吾與女伐狄寡君不敢顧昏姻

畏君之威而受命于吏君有二心於狄曰晉將伐女

狄應且憎是用告我注言狄雖應答秦而心實憎秦

無信音義

應應對之應

楚人惡君之二三其德也亦來告

我曰秦背令狐之盟而來求盟于我昭告昊天上帝

秦三公楚三王注三公穆康共三王成穆莊音義

惡鳥

路反下同昊戶

䟽

正義曰禮諸侯不得祭天其盟不主天神鄭玄覲禮注云巡守之盟

老反共音恭

其神主曰諸侯之盟其神主山川襄十一年亳城北

之盟其載書云司慎司盟名山名川注云二司天神

唯告天之別神不告昊天上帝此秦楚為盟告天帝

者春秋之時不能如禮且此辭多誣未必是實晉與

諸國結盟皆不告昊天上帝何由秦楚獨敢告之蓋欲示楚人恨秦之深言其所告處重耳

曰余

雖與晉出入注出入猶往來余唯利是視不穀惡其

無成德是用宣之以懲不壹諸侯備聞此言斯是用

痛心疾首暱就寡人注疾亦痛也暱親也音義

懲直升反

暱女疏正義曰楚道秦人用心不壹其盟不乙反疏足與固宣示諸侯以懲創不壹之人

寡人帥

以聽命唯好是求君若惠顧諸侯矜哀寡人而賜之

盟則寡人之願也其承寧諸侯以退注承君之意以

寧靜諸侯豈敢徼亂注徼要也音義

要一遙反

君若不施

大惠寡人不佞其不能以諸侯退矣敢盡布之執事

俾執事實圖利之注俾使也疏

正義曰服虔云佞才也不才者自謙之辭

也論語云焉用佞禦人以口給屢憎於人則佞非善事而以不佞為謙者佞是口才捷利之名本非善惡之稱但為佞有善有惡耳為善敏捷是善佞為惡敏捷是惡佞但君子欲訥於言而敏於行言之雖多情或不信故云焉用佞耳

秦桓公既與晉厲公為令狐之盟而又

召狄與楚欲道以伐晉諸侯是以睦於晉注晉辭多

誣秦故傳據此三事以正秦罪音義

道音導

晉欒書將

中軍荀庚佐之注庚代荀首音義

將子匠反凡將某軍者倣此以意求

之

士燮將上軍注代荀庚卻錡佐之注代士燮韓厥

將下軍注代卻錡荀瑩佐之注代趙同趙旃將新軍

注代韓厥音義

旃之然反

卻至佐之注代趙括卻縠御戎

欒鍼為右注卻縠卻至弟欒鍼欒書子音義

鍼其廉反

孟

獻子曰晉帥乘和師必有大功注帥軍帥乘車士音

義

帥所類反乘繩證反注同

五月丁亥晉師以諸侯之師及秦師

戰于麻隧秦師敗績獲秦成差及不更女父注不更

秦爵戰敗績不書以為晉直秦曲則韓役書戰時公

在師復不須告克獲有功亦無所諱蓋經文闕漏傳

文獨存音義

遜音遂差初佳反徐初宜反更音庚女音汝復扶又反

疏

正義曰秦之官

爵有此不更之名知女父是人之名字不更是官爵之號漢書稱商君為法於秦戰斬一首者賜爵一級其爵名一為公士二上造三簪裹四不更五大夫六公大夫七官大夫八公乘九五大夫十左庶長十一右庶長十二左更十三中更十四右更十五少上造十六大上造十七駟車庶長十八大車庶長十九闕內侯二十徹侯商君者商鞅也秦孝公之相封於商號為商君案傳此有不更女父襄十一年有庶長鮑庶長武春秋之世已有此名蓋後世以漸增之商君定為二十非是商君盡新作也其名之義難得而知耳傳言戰敗而經不書杜以意測之不知其故欲以為秦曲晉直不以曲者敵直故不書戰則僖十五年

韓之戰秦直晉曲書戰于韓也欲以為不告故不書當時公親在師復不須告也欲以為無功諱負則克獲有功亦無所諱也再三揆度不識所以故云蓋經文闕漏傳文獨存也經文依史官策書策書所無故經文遂闕也傳文采於簡牘簡牘先有故傳文獨存也

曹宣公卒于師師遂濟

涇及侯麗而還注涇水出安定東南徑扶風京兆高

陸縣入渭也音義

徑音經麗力馳反

疏

正義曰釋例曰涇水出安定朝那縣西東

南經新平扶風至京兆高陸縣入渭

迂晉侯于新楚注迂迎也既戰晉

侯止新楚故師還過迎之麻隧侯麗新楚皆秦地音

義

迂本又作疏

正義曰經書公會晉侯齊侯宋公衛侯鄭伯曹伯邾人滕人伐秦是伐時

諸侯親行也傳云晉師以諸侯之師及秦師戰則知諸侯不親行也蓋皆別次以待之新楚當是晉侯次之處也以傳不言其次晉侯或間戰勝而移處故云止新楚也

成肅公卒于瑕注終

劉子之言瑕晉地○六月丁卯夜鄭公子班自訾求

入于大宮不能殺子印子羽注訾鄭地大宮鄭祖廟

十年班出奔許今欲還為亂子印子羽皆穆公子音

義

班本亦作般同訾子斯反大音泰下同印一刃反

反軍于市己巳子駟帥

國人盟于大宮注子駟穆公子遂從而盡焚之注焚

燒也殺子如子駟孫叔孫知注子如公子班子駟班

弟孫叔子如子孫知子駢子音義

駢武疏正義曰子邦反如即是子

班據傳可知以外無文見其同時被殺必是近親相傳為此說耳

○曹人使公子負

芻守使公子欣時逆曹伯之喪注二子皆曹宣公庶

子音義

芻初俱反守手又反欣時如字徐云或作款亦音欣案公羊傳作喜時宜音忻

秋負

芻殺其大子而自立也注宣公大子諸侯乃請討之

晉人以其役之勞請俟他年冬葬曹宣公既葬子臧

將亡注子臧公子欣時國人皆將從之注不義負芻

故成公乃懼注成公負芻告罪且請焉注請留子臧

乃反而致其邑注還邑於成公為十五年執曹伯傳
經十有四年春王正月莒子朱卒注無傳九年盟于蒲
夏衛孫林父自晉歸于衛注晉納之故曰歸

秋叔孫僑如如齊逆女注成公逆夫人最為得禮而經

無納幣者文闕絕也疏

正義曰釋例曰成公逆女及夫人至最為得禮故詳其文丘明

謂之微而顯婉而成章也然則杜以傳文詳知其最得禮也釋例又云成公娶夫人而不納幣此經文闕也貴聘而賤逆失禮之微者傳猶詳之言其不終若實不納幣非所畧也是言闕之意也闕絕者闕而文斷絕蓋疑仲尼脩定後其文始闕若脩時已闕傳應言其故也

鄭公子喜帥師伐許

九月僑如以夫人婦姜氏至自齊

冬十月庚寅衛侯臧卒注五同盟䟽

正義曰臧父速以二年八月卒而臧

代立其年十一月衛大夫與公盟于蜀三年孫良夫來盟五年于蟲牢七年于馬陵九年于蒲皆魯衛俱在是

五同盟也

秦伯卒注無傳二年大夫盟于蜀而不赴以名例在隱

七年

傳十四年春衛侯如晉晉侯強見孫林父焉注林父

以七年奔晉強見欲歸之音義

強其丈反注同見賢
遍反注強見下而見

之同

定公不可夏衛侯既歸晉侯使卻犢送孫林父而

見之衛侯欲辭定姜曰不可注定姜定公夫人是先

君宗卿之嗣也注同姓之卿疏

正義曰世本孫氏出
於衛武公至林父八

世是同
姓也

大國又以為請不許將亡雖惡之不猶愈於

亡乎君其忍之注違大國必見伐故亡音義

為如字
或于偽

反惡鳥
路反

安民而宥宗卿不亦可乎衛侯見而復之注

復林父位音義

宥音
又

衛侯饗苦成叔注成叔卻犢甯

惠子相注相佐禮惠子甯殖音義

相息亮反注同

苦成叔傲

甯子曰苦成家其亡乎古之為享食也以觀威儀省

禍福也故詩曰兕觥其觶旨酒思柔注詩小雅言君

子好禮飲酒皆思柔德雖設兕觥觶然不用以兕角

為觥所以罰不敬觶陳設之貌音義

傲五報反本又作教音同下同

食音嗣兕徐辭姊反觥古橫反觶徐

音

䟽

正義曰詩小雅桑扈

之章言設爵不用之意君子好禮與於燕者皆思柔順之德無過可罰故雖設觥爵不用之也兕是獸名觥是爵稱知兕觥以兕角為觥也周禮小胥職云觥其不敬者是所以罰不敬也異義韓詩說觥五升所

以罰不敬也。觶，廓也。著明之貌。君子有過，廓然明著。詩毛傳說：觶大七升。許慎云：觶，罰有過一飲七升為過。多當謂五升是也。詩良耜云：有觶其角，則觶是角。貌此詩之意，指其角貌。言陳設不用，故云陳設之貌。彼交匪傲，萬福來求。注彼之交於事而不惰，傲乃萬

福之所求。疏

正義曰：兕觥，罰酒之爵。言古之王者與羣臣燕飲，無失禮者，用兕觥之爵。其觶

然空陳設之，無所可罰。在席飲美酒者，皆能思柔順中和，故不用也。彼飲燕君子與人交接，非有傲慢之心，故萬種福祿求來歸之。今夫子傲取禍之道也。注為十七年郤

氏亡。○秋，宣伯如齊，逆女，稱族尊君命也。疏

正義曰：宣元年

已發尊君命，尊夫人之例。今復發者，彼以喪娶嫌非正禮，且公子非族，故重明之。何休膏肓難左氏叔孫

僑如舍族為尊夫人案襄二十七年豹及諸侯之大夫盟復何所尊而亦舍族春秋之例一事再見者亦以省文耳左氏為短鄭箴云左氏以豹違命故貶之而去族今僑如無罪而亦去族故以為尊夫人也春秋有事異文同則此類也 ○八月鄭子罕伐許敗焉注為許所敗

音義

敗必邁反下同

戊戌鄭伯復伐許庚子入其郛注郛郭

也音義

復扶又反

許人平以叔申之封注四年鄭公孫申

疆許田許人敗之不得定其封疆今許以是所封田

求和於鄭音義

疆居良反下同

○九月僑如以夫人婦姜氏

至自齊舍族尊夫人也注舍族謂不稱叔孫音義

舍音

捨注同

故君子曰春秋之稱微而顯注辭微而義顯音

義

稱尺證反

志而晦注志記也晦亦微也謂約言以記事

事叙而文微音義

晦呼內反

婉而成章注婉曲也謂曲屈

其辭有所辟諱以示大順而成篇章音義

婉怨晚反

盡而

不汙注謂直言其事盡其事實無所汙曲音義

汙憂于反

注同

懲惡而勸善注善名必書惡名不滅所以為懲勸

音義

懲直升反

非聖人誰能脩之注脩史策成此五者○

衛侯有疾使孔成子甯惠子立敬姒之子衎以為大

子注成子孔達之孫敬姒定公妾衍獻公音義

衍徐苦旦

反

冬十月衛定公卒夫人姜氏既哭而息見太子之

不哀也不內酌飲歎曰是夫也將不唯衛國之敗其

必始於未亡人注定姜言獻公行無禮必從已始下

言暴妾使余是也音義

內如字徐音納酌市畧反又章畧反

烏呼天禍

衛國也夫吾不獲鱣也使主社稷注鱣衍之母弟音

義

夫音扶鱣徐市應反一音專

大夫聞之無不聳懼孫文子自是

不敢舍其重器於衛注寶器音義

聳息勇反舍音赦或音捨

盡寘

諸戚注寘置也戚孫氏邑音義

寘之
跋反

而甚善晉大夫

注備亂起欲以為援為襄十四年衛侯出奔傳

經十有五年春王二月葬衛定公注無傳

三月乙巳仲嬰齊卒注無傳襄仲子公孫歸父弟宣十

八年逐東門氏既而又使嬰齊紹其後曰仲氏䟽

正義曰公

羊穀梁皆以嬰齊為仲遂之子歸父之弟也以為歸父之弟則同其言稱仲之意則異公羊以為弟無後兄之義使嬰齊為歸父之子則為仲遂之孫故以王父字為氏穀梁以為宣八年仲遂卒者為殺子赤疎之不使稱公子父既見疎不得稱公子故其子由父亦疎之不得稱公孫故別言仲氏杜之此注其言不明當以為襄仲

歸父本以東門為氏及命嬰齊紹歸父之後改之曰仲氏也劉炫云仲遂受賜為仲氏故其子孫稱仲氏耳

癸丑公會晉侯衛侯鄭伯曹伯宋世子成齊國佐邾人

同盟于戚音義

城成音

晉侯執曹伯歸于京師注不稱人以執者曹伯罪不及

民歸之京師禮也疏

正義曰諸傳於其事之下發凡例者杜皆於經之下引傳而言傳例

曰今傳因曹伯發凡杜不引傳例者據稱人以執為例卻云不然則否曹伯稱侯以執從不然之例故杜不得引之也不稱人以執者曹伯罪不及民其稱人之例於義為然也諸侯不得相治欲歸之京師使天子治之是禮也釋例曰執諸侯當歸于京師而或以歸或歸于諸侯皆失其所從實而顯之義可知也

公至自會注無傳

夏六月宋公固卒注四同盟疏

正義曰固父鮑以二年八月卒而固代立其年

十一月宋大夫與公盟于蜀五年于蟲牢七年于馬陵九年于蒲皆魯宋俱在是四同盟

楚子伐鄭

秋八月庚辰葬宋共公注三月而葬速音義

恭共音

宋華元出奔晉宋華元自晉歸于宋注華元欲挾晉以

自重故以外納告音義

挾音協

疏

正義曰案傳華元奔晉魚石即議止之魚石自

止華元于河上元始至河本未至晉既書奔晉又書自晉歸者華元既出宋即來告華元既歸宋復來告十八

年傳例曰凡去其國國逆而立之曰入復其位曰復歸諸侯納之曰歸此是魚石止之宜從國逆之例而為諸侯納之文書曰自晉歸者華元與欒書相善怖懼桓族欲挾晉以自重以晉納告于諸侯春秋從而書之以示元之本情故也

宋殺其大夫山注不書氏明背其族宋魚石出奔楚注公子目夷之曾孫

冬十有一月叔孫僑如會晉士燮齊高無咎宋華元衛孫林父鄭公子魴邾人會吳于鍾離注吳夷昧嘗與中國會今始來通晉帥諸侯大夫而會之故殊會明本非

同好鍾離楚邑淮南縣音義

燮息協反咎其九反
魴音秋好呼報反

許遷于葉注許畏鄭南依楚故以自遷為文葉今南陽

葉縣也音義

葉舒涉反

傳十五年春會于戚討曹成公也注討其殺大子而

自立事在十三年執而歸諸京師書曰晉侯執曹伯

不及其民也注惡不及民凡君不道於其民諸侯討

而執之則曰某人執某侯注稱人示衆所欲執不然

則否注謂身犯不義者䟽

正義曰春秋執諸侯多矣或名或否此例不言之者

釋例曰諸侯見執者已在罪賤之地名與否非例所加故但書執某侯也天生民而樹之君使司牧之勿

使失性若乃肆於民上人懷怨讎諸侯致討則稱某人執某侯衆討之文也諸侯雖身犯不義而惡不及民則不稱人以執之晉侯執曹伯是也諸無加民之惡而稱人以執皆時之赴告欲重其罪以和民為辭國史承以書策而簡牘之記具存夫子因示虛實傳隨而著其本狀以明得失也 諸侯將見

子臧於王而立之子臧辭曰前志有之曰聖達節注

聖人應天命不拘常禮音義

見賢遍反應應對之應拘九于反

次守

節注謂賢者下失節注愚者妄動為君非吾節也雖

不能聖敢失守乎疏

正義曰節猶分也人生天地之間性命各有其分聖人達於天

命識已知分若以歷數在已則當奉承靈命不復拘君臣之交上下之禮舜禹受終湯武革命是言達節

者也若自知已分不合高位得而不取與而不受子臧季札衛公子郢楚公子閭如此之類皆守節者也下愚之人不識已分侮張妄作取非其理干紀亂常如此之輩古今多矣州吁無知之等皆失節者也子臧自以身是庶子不合有國故言為君非吾節也雖不能為聖敢失其守節者乎

遂逃奔宋

○夏六月宋共公卒注為下宋亂起○楚將北師注

侵鄭衛子囊曰新與晉盟而背之無乃不可乎子反

曰敵利則進何盟之有注晉楚盟在十二年子囊莊

王子公子貞音義

囊乃郎反

申叔時老矣在申注老歸本

邑聞之曰子反必不免信以守禮禮以庇身信禮之

亡欲免得乎注言不得免音義

庇必利反又音秘

楚子侵鄭

及暴隧遂侵衛及首止鄭子罕侵楚取新石注新石

楚邑音義

隧音遂

欒武子欲報楚韓獻子曰無庸注庸

用也使重其罪民將叛之注背盟數戰罪也音義

數所

角反無民孰戰注為明年晉敗楚於鄢陵傳○秋八月

葬宋共公於是華元為右師魚石為左師蕩澤為司

馬注蕩澤公孫壽之孫疏

正義曰世本云公孫壽生大司馬虺虺生司馬澤也

華喜督之玄孫者又云督生世子家家生秀老老生司徒鄭鄭生司徒喜也公孫師莊公之孫者又云莊

公生右師戊戌生司城師也鱗朱鱗矐孫者又云桓
公生公子鱗鱗生東鄉矐矐生司徒文文生大司寇
子奏奏生小司寇朱也向戌桓公會孫者又云桓公
生向父矐矐生司城訾守守生小司寇鱣及合左師
左師即
向戌也 華喜為司徒注華父督之玄孫公孫師為司

城注莊公孫向為人為大司寇鱗朱為少司寇注鱗

矐孫音義

少許照反下同矐古亂反

向帝為大宰魚府為少宰蕩

澤弱公室殺公子肥注輕公室以為弱故殺其枝黨

肥文公子音義

帶音帶本又作帶大音泰

華元曰我為右師君臣

之訓師所司也今公室卑而不能正注不能討蕩澤

吾罪大矣不能治官敢賴寵乎乃出奔晉二華戴族也注華元華喜司城莊族也六官者皆桓族也注魚石蕩澤向為人鱗朱向帶魚府皆出桓公魚石將止華元魚府曰右師反必討是無桓氏也注恐華元還討蕩澤并及六族魚石曰右師苟獲反雖許之討必不敢注言畏桓族強且多大功國人與之不反懼桓氏之無祀於宋也注華元大功克合晉楚之成却子反以免宋圍右師討猶有成在注向戌桓公曾孫言

其賢華元必不討音義

戌音恤

桓氏雖亡必偏注偏不

盡魚石自止華元于河上請討許之乃反使華喜公

孫師帥國人攻蕩氏殺子山注喜師非桓族故使攻

之書曰宋殺大夫山言背其族也注蕩氏宋公族還

害公室故去族以示其罪音義

去起呂反

魚石向為人鱗

朱向帶魚府出舍於睢上注睢水名五大夫畏同族

罪及將出奔音義

睢音雖徐許惟反又音緩

華元使止之不可冬

十月華元自止之不可乃反注五子不止華元還魚

府曰今不從不得入矣注不得復入宋音義

復扶又反

右

師視速而言疾有異志焉若不我納今將馳矣登丘

而望之則馳騁而從之注五子亦馳逐之音義

登丘而望

之則馳絕句
騁勅景反

則決睢澁注澁水涯決壞也音義

澁市利反

涯本又作崖魚佳
反一音宜壞音怪

閉門登陴矣左師二司寇二宰遂

出奔楚注四大夫不書獨魚石告音義

陴毘支反

䟽

正義曰襄

元年傳謂此五人為五大夫故除去魚石謂之四大
失也彼四大夫所以不書者宋人獨以魚石告不以
四人告也服虔云魚石卿故書以為四人非卿故不
書杜不然者案文七年傳云宋成公卒於是公子成

為右師公孫友為左師樂豫為司馬鱗曜為司徒公
子蕩為司城華御事為司寇六卿和公室哀二十六
年傳宋景公無子於是皇緩為右師皇非我為大司
馬皇懷為司徒靈不緩為左師樂茂為司城樂朱鉏
為大司寇六卿三族降聽政據彼二文則向為人為
大司寇亦是卿也若五人皆告為卿則書向為人亦
當書之何以獨書魚石杜言獨以魚石告正為向為
人不書故也或少司寇二宰等六卿之外亦是卿官
合書名氏猶如魯之三卿外別有公孫嬰
齊城孫許但非如六卿等世掌國政也

華元使向

成為左師老佐為司馬樂裔為司寇以靖國人注老

佐戴公五世孫音義

裔以制反

○晉三卻害伯宗譖而殺

之及欒弗忌注欒弗忌晉賢大夫伯州犂奔楚注伯

宗子音義

犂力兮反

韓獻子曰郤氏其不免乎善八天地

之紀也而驟絕之不亡何待注既殺伯宗又及弗忌

故曰驟也為十七年晉殺三郤傳音義

驟仕救反

初伯宗

每朝其妻必戒之曰盜憎主人民惡其上子好直言

必及於難注傳見雖婦人之言不可廢音義

惡烏路反好呼

報反難乃旦反見賢遍反

○十一月會吳鍾離始通吳也注始與

中國接○許靈公畏偪于鄭請遷于楚辛丑楚公子

申遷許于禁

春秋左傳注疏卷二十七

春秋左氏傳注疏卷二十七考證

傳晉侯使卻至勿敢爭注傳言卻至貪所以亡○

臣召

南

按注但得其一耳卻至以列國大夫敢與王室爭

地王勿能斷使卿訟於晉畏晉強也晉侯知卻至之
非不能罪之但使勿復爭田又畏其臣也自是王室
愈卑晉之公室亦替而政在大夫矣

傳盟于宋西門之外○陳傅良曰傳見晉楚嘗同盟不
書至襄二十七年特書之也臣浩按晉楚交合俱以

宋為樞機此盟華元為之後弭兵向成為之

公至自伐秦○孫復曰不以京師至者明本非朝京師

傳孟獻子從䟽是賞不善也○

臣召南

按周語本文是

不賞善也又按王孫悅與之語說讓說即悅字言好讓也

傳是以有動作禮義威儀之則以定命也○臣召南按

漢書五行志引此作是以有禮義動作威儀之則

傳能者養之以福○

臣召南

按左傳本文作能者養以

之福與下句不能者敗以取禍相耦故孔疏曰養其
威儀禮法以往適于福往適即之字義也漢書五行
志引此文亦作能者養以之福顏師古曰之往也是
唐以前本俱不誤今各本俱倒之以二字非也然西
溪叢語已論及則自宋時已誤矣

傳焚我箕部○

臣浩

按世所行杜林合注本此句有杜

注云箕部晉土邑焚火攻之也十字推尋文義似此
處應有注也

傳彼交匪傲○

臣浩

按詩作彼交匪敖義與傲同而漢

書五行志引此文作彼傲匪傲

傳楚將北師注侵鄭衛○監本訛作鄭侵衛今改正

傳左師二司寇二宰遂出奔楚○趙汴補注曰向為人

大司寇六卿之一不書者族同罪同獨書魚石舉重

耳

臣召南

按魚氏自子魚之後世為左師至是始出

經書其要者耳

春秋左氏傳注疏卷二十七考證

謹按第十一頁後五行疏公侯能為民扞城禦難
刊本監本毛本並脫民字今據宋本增

第十二頁後一行疏若言召兵諸本言訛能據宋
本改

後七行疏此過京師亦宜稱朝諸本宜訛直據宋
本改

第十四頁後四行疏釋天云諸本天訛文據宋本
改

第十六頁後七行傳鄭人怒君之疆場諸本場訛
場十七頁前一行音義同今並改

後八行注晉自以鄭貳於楚諸本貳作二據宋本
改

第十八頁前二行疏獨謂此為誣者諸本獨訛今
據宋本改

第二十頁前五行疏呂相雖奉君命諸本脫命字
據宋本增

第二十七頁後二行疏左氏以豹違命諸本違訛

遣據宋本改



覆校官編修臣項家達
校對官編修臣張秉愚
謄錄貢生臣孟啟疆